

# AWE Mainta

October 13, 2017

[www.awemainta.com](http://www.awemainta.com)  
[www.facebook.com/awemainta](https://www.facebook.com/awemainta)  
[noticia@awemainta.com](mailto:noticia@awemainta.com)  
 583-1400

## AWE TA NET 27 AÑA CU HOOIBERG A BIN ABAO



## SEGUN ABOGADO MR. RONNY WIX GOBIERNO A FAYA CU INTRODUCCION DI LEY DI PESCA



PG.3

## DEPARTAMENTO DI ADUANA ARUBA SU CONTROLNAN ADMINISTRATIVO DESPUES DI IMPORTACION TIN RESULTADO IMPACTANTE



PG.2



SEGUN CHRIS ROMERO DI PARTIDO MEP

## NOS META MESTER TA PA PROTEHA Y ENRIKESE E BIDA MARINO DI ARUBA

PG.5

## DEPARTAMENTO DI NATURALES Y MEDIO AMBIENTE TA ACLAREA LEY DI PROTECCION DI NOS FLORA Y FAUNA

## SANTA ROSA Y SERVICIO VETERINARIO TA DEBIDAMENTE NA ALTURA DI E LEY, PERO NO A PROTESTA

PG.4



### Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service



Your protection partner since 1996

We don't just say it... We Guarantee it!



**INVEST SECURE N.V.**

Phone: (297) 582-7252  
E-mail: [insec@setarnet.aw](mailto:insec@setarnet.aw)  
f: [@investsecurearuba](https://www.facebook.com/investsecurearuba)

## M-Files® Document Management System



Find and access content based on **what it is**, not where it is saved

Automated Workflows  
Access M-Files anywhere



Tel.: 583-7072 | [info@vcc-int.com](mailto:info@vcc-int.com) | [www.vcc-int.com](http://www.vcc-int.com)



# Departamento di Aduana Aruba su controlnan administrativo despues di importacion tin resultado impactante



**DEPARTAMENTO** di Aduana ta informa cu na comienso di aña a cambia e sistema di haci control. Durante e prome mitar di aña a haci 2 control grandi. E controlnan administrativo aki ta yama CNI "Controle na Invoer". E controlnan administrativo ta sosode despues cu e mercancia a wordo importa caba.

## PROCESO DI E CONTROL ADMINISTRATIVO DESPUES DI IMPORTACION

Control administrativo ta constisti dor di compara e informacion cu e cliente ta hinca den nos sistema "Asycuda" cu locual e cliente ta hinca den su mesun administracion. Conforme ley, Douane tin e autoridad pa pidi y haña informacion for di e administracion di clientenan.

Na momento cu Douane, haciendo su

controlnan, bin constata cu tin fout den calculacion, esaki lo wordo regla dor di haci un coreccion den e declaracion. E cliente lo ricibi un cobranza adicional p'e por paga e diferencia.

Den caso cu durante un control Douane constata cu a haci uso di factura falso y/of a constata cu tin producto cu *no* a wordo declara na momento di importacion e ora ey e cliente lo wordo persigui penalmente. Esaki ta nifica cu banda di e cobranza adicional di e coreccion den e declaracion tambe lo wordo agrega un transaccion den forma di un multa.

Den caso cu no paga e multa y e coreccion den e declaracion, e caso por bay Corte cu tur consecuencianan cu esaki por trece cu ne p'e cliente.

E suma di e multa ta keda completamente den man di Ministerio Publico.

Na comienso di 2017 Departamento di Aduana a cuminsa cu 3 caso (3 diferente cliente). Di cual uno ta completamente cla y e resultado ta lo siguiente:

Coreccion den declaracion di 250.000 florin; Multa proponi dor di Ministerio Publico di casi 1/2 miyon florin

E di 2 y di 3 caso ta bayendo den mesun direccion cu lo trece e mesun consecuencianan cu e prome caso.

E controlnan na Departamento di Aduana lo continua di mesun manera cu a wordo menciona anteriormente. Dentro di poco otro companianan lo ricibi un anuncio cu nan lo ricibi un bishita di Douane pa cu e controlnan aki.



P'e motibo aki ta hopi importante pa tur compania haci nan declaracionnan conforme ley usando factura y balornan corecto p'asina nan no haña nan mes cu sorpresa. Pasobra e sorpresa por sali nan hopi caro.

Manera tabata di spera

## Gobernador Boekhoudt a nombra Evelynna Wever Croes como Formador

**GOBERNADOR** sr. J.Alfonso Boekhoudt ayera a tuma decision pa nombra, mr. sra. Evelina C. Wever-Croes como Formador

Tabata dia 6 di october ultimo, Informador mr. Arie J. Swaen a entrega relato di su trabao na Gobernador.

A base di e relato aki di Informador, Gobernador a hiba combersacion individual cu lidernan di partido MEP, POR y RED.

Den liña cu e relato di Informador, Gobernador a dicidi di nombra sra. Mr. Evelina Wever Croes como Formador, loke cu a tuma lugar ayera.

Gobernador a pidi e Formador pa forma un coalicion cu ta consisti di partidonan MEP-POR-RED, y asina por conta riba un sosten di mayoria den Parlamento, y na interes di Aruba formalisa un decision cu por wordo carga p'e partidonan di coalicion.

E Formador lo haci su trabao independientemente y lo sa di cumpli cu e encargonan duna pa Gobernador y lo sa di informa Gobernador di e avancen di e deliberacionnan aki.



Segun abogado mr. Ronny Wix

# Gobierno a faya cu introduccion di ley di pesca

No a tene cuenta cu esnan cu ta biba di pesca y e menasa aki a ser senti



altera, pasobra den pasado Gobierno a pone un prohibicion caba na tiramento di pisca. Y atrobe Gobierno a pone e limitacionnan aki, sin consulta cu e piscadornan y e miedo ta, cu si e trend aki a sigui, na final no por haci nada mas.

*Mester bisa cu tabatin piscador cu debidamente a compronde e ley aki, pasobra tin algun di e piscanan menciona, cu ta cay bao di proteccion.*

**KENDE** t'e Minister cu a firma e ley pa prohibi algun pisca? Gobierno actual, den e caso aki Minister di Medio Ambiente, Mike de Meza ta nenga di a firma un ley di tal indole y ta ser bisa cu prome cu Otmar Oduber a baha y retira, el a firma dicho ley, anto awe tin mayoria di piscador masha rabia.

Preo loke nos no por caba di compronde, dicon un vocero di Gobierno ta sali y bisa ta kico ta kico, y ta laga e piscadornan keda k...k riba nan.

Abogado mr. Ronny Wix, kende ta abogado di Fundacion Hadicurari, pero tambe ta un piscador deportivo y pesey su presencia n'e reunion. El a splica cu tin un landsbesluit riba mesa, cu a bay via Minister sin tin di bay Parlamento. E Minister ta pone e piscanan cu ta prohibit.

Segun mr. Ronny Wix a compronde y por a conclui cu hopi di e piscadornan no ta compronde kico e ley aki ta ensera.

E forma cu nan tabata reacciona ta pasobra nan tabatin falta di informacion of tambe di comprension.

E reaccion tabata cu hopi di e piscadornan aki ta kere cu nan no mag di bay pisca mas. Y esey sigur no t'e caso. Tabatin hopi piscador

Pasobra si no proteha nan, nan lo caba y esey nan no kier tampoco.

Abogado Wix a keda impresiona cu un mucha muher hoben, kende a lanta y a bisa ta dicon Gobierno no a tuma ehempel di Florida, unda p.e. mag di coi kreeft entre tal y tal fecha y mester di tal grandura y no menos. Y bo mester di permiso pa haci esey.

Na Florida e ta regula, pero na Aruba, Gobierno a bisa cu esaki ta prohibit. Loke tambe a hala atencion cu masha piscador tabata masha rabia y a protesta sin merito, sin tin argumento valido y sin base.

P.e. Gobierno kier kita manta, pero na Aruba, e abogado no sa di hende cu ta pisca manta y ta den extincion.

Conclusion ta, cu esnan cu a bin cu e ley aki faya barbamamente, segun mr. Ronny Wix. Mester a tene cuenta cu opinion di e.o. e piscadornan y esey no a wordo haci.

Mihor pa haci ta, pa habri un dialogo cu e gruponan di interes y bin cu estudionan haci cuanto pisca tin y cuanto pisca tin ta den proceso di extincion.

## CLIFFORD ROSA

Presidente di Fundacion Hadicurari, Clifford Rosa a bisa cu e intencion ta pa dialuna awor entrega e carga di protesta na Minister Mike



de Meza, kende ta encarga cu Ministerio di Medio Ambiente y tambe copia na Minister di Husticia, mr. drs. Arthur Dowers. Pero mirando e reaccion y feed back haya, probablemente e carta aki lo wordo entrega awe ainda.

Lo cumpli cu deseo di mayoria di e piscadornan, y pa wak con Gobierno lo por sigui proteha e piscadornan.

Tin cierto pisca poni riba lista, cu no ta ser pisca na Aruba. Pesey e pregunta, ta kende(nan) te conseheronan di Gobierno cu a dicidi di bin cu e lista aki.

Si tin mihor educacion, Clifford Rosa ta kere cu e piscadornan lo ta mihor prepara pa cualkier accion. Wak con Gobierno mes a caba cu spearfishing y te ainda no a rehabilita e ley aki.

Ora di papia di proteccion, Gobierno mester haci algo pa cu piscamento dor di Venezolanonan cu ta wordo pisca den nos propio awanan teritorial y ta wordo bendi riba mercado di Aruba, unda nan ta haya mihor placa cu na Venezuela mes.



# Departamento di Naturalesa y Medio Ambiente ta aclarea Ley di Proteccion di nos Flora y Fauna **Santa Rosa y Servicio Veterinario ta debidamente na altura di e ley, pero no a protesta**

**REFERENTE** e Decreto Nacional (landsbesluit) nobo cu a sali cu ta trata e proteccion di flora y fauna local cu ta na peliger di extincion y di balor ecologico, DNM kier a aclaria lo siguiente. E ponencia cu e lista di piscanan incluyendo e kreeft, ta sortonan cu awor no ta permiti pa mata of pa herida, no ta completamente corecto. Varios di e piscanan y e kreeft ta proteha caba desde aña 1995 den e Ordenansa Nacional di Proteccion di Naturalesa articulo 13 (Natuurbeschermings-verordening).

E unico sortonan cu a haya e status di proteccion e aña aki ta e Atlantic Bluefin Tuna, Nassau Grouper, Goliath Grouper y e famia di e Gutu (Parrotfishes). E Atlantic Bluefin Tuna, Nassau Grouper y Goliath Grouper ta sortonan cu ta mundialmente den peliger di extincion a base di datonan internacional.

Pa loke ta trata e famia di Gutu, tin raportnan di entre otro United Nations, cu ta demostra e balor ecologico di e famia di Gutu pa cu e rifnan di coral.

E famia di Gutu a haya e status di proteccion p'e motibo cu su presencia den e rifnan di coral ta hopi importante.

Si e Gutu no t'ey pa come e algan cu ta crece riba e rifnan esaki lo causa e morto di e coralnan ya cu e algan ta crece mas liher cu e coral.

Na mesun momento e morto di e coralnan ta causa desaparicion di e diferente sorto di pisca y otro bida marino cu ta depende di e rifnan di coral.

E desaparicion di coralnan den nos awanan lo tin un efecto negativo pa nos mesun piscadonan cu ta depende di e piscanan cu ta biba riba nos rifnan.

Manera menciona caba, DNM kier enfatisa cu e otro piscanan y entre otro, e Kreeft y e Calco,

ta sortonan cu tin un status di proteccion for di aña 1995 y e Calco for di añanan 80.

Na 2007 a institui e 'Commissie Flora en Fauna' cu a haya un concepto di lista di flora y fauna for di Santa Rosa (DLVV).

E 'Commissie Flora en Fauna' a involucra e dos autoridadnan rib'e tratado di CITES cu ta Departamento di Veterinario y Santa Rosa (Santa Rosa ta representa tambe den e directiva di Centro di Pesca di Hadicurari) pa sigui traha rib'e lista aki.

A scucha e dos departamentonan aki y a ricibi nan sugerencianan cu ta inclui den e lista.

Tambe e 'Commissie Flora en Fauna' a inclui e lista di piscanan di coral e tempo aya caba cu tabata inclui 108 sorto di pisca di coral.


Na 2013 Departamento di Legislacion a manda e lista aki pa DNM pa splica detayadamente cu argumento fuerte, pakico tur e sortonan di flora y fauna ta rib'e lista pasobra no tabatin motivacion suficiente di esakinan. DNM a traha riba criterionan p'e sortonan por bini e lista proteccion aki.

Tambe DNM a haci un peticion na Santa Rosa y Servicio Veterinario pa entrega nan motivacion pakico e sortonan indica mester ta riba e lista aki.

Pa loke ta trata e piscanan, uzando e criterionan traha, a keda solamente di e 108 sortonan di pisca rib'e lista original di e 'Commissie Flora y Fauna', e famia di e Gutun y e Nassau Grouper. Acerca a bin e Goliath Grouper y e Atlantic Bluefin Tuna.

Tur e sortonan cu ta proteha for di aña 1995 caba, tambe a forma parti di e lista.

Asina nan a haya extra proteccion incluyendo entre otro, nan webo y nan neishi.



Na 2017 Raad van Advies a sugeri pa tur sorto di pisca di coral bini rib'e lista aki un biaha mas. DNM a analisa e sugerencia y a mostra Raad van Advies cu esaki no ta cumpli cu e criteria traha pa bini rib'e lista di proteccion y cu e lo bay afecta e piscador tambe.

DNM mester remarca cu Santa Rosa a haya e lista di flora y fauna na 2013. Di cual nan a manda nan motivacion pa proteccion di e sortonan di flora.

Pero rib'e lista di fauna nan no a duna comentario. Loke si tin cu remarca ta cu tabata tin hopi discusion rib'e kreeft cu si of no e ta proteha, y si e no ta proteha p'e ora bini cu regulacion di entre otro e kreeft.

Cu asombro por tuma nota cu Santa Rosa, awor cu e ley ta na vigor, ta bin cu e remarke cu nan lo bay wak cua efecto e lista di flora lo tin riba criadonan di

cabrito, mientras cu nan mes a yuda traha rib'e lista di matanan. Ningun momento den e proceso Santa Rosa a trece esaki como punto di atencion.

DNM ningun momento ta contra di e piscadonan. Al contrario, DNM lo ta dispuesto pa traha conhuntamente cu nan.

E punto di salida, claro, no por ta cu no por proteha ningun sorto di especie marino.

Si ta bay opta pa regulacion, ban haci esaki conscientemente.

Varios biaha DNM a pidi instancianan, entre otro Hadicurari y Santa Rosa, e raportnan cu nan mes a indica cu nan tin, cual nunca nan a manda pa asina DNM logra yega e meta aki.

DNM mester aclaria tambe cu e ley no ta un ley di piscamento sino un ley pa proteccion di naturalesa incluyendo nos bida marino.

Lama ta di nos tur pero e no ta un fuente inagotabel di recurso.



# Segun Chris Romero di partido MEP Nos meta mester ta pa proteha y enrikese e bida marino di Aruba

**FOR** di e ultimo añanan nos ta papiando ariba ‘food security’ pa Aruba. Kiko esaki ta nifica?

Den caso cu tin un of otro crisis mundial, cu nos no por importa cuminda mas for di exterior, kiko nos lo duna nos pueblo di come?

Actualmente, nos sa cu e nivel di agricultura y di cria di bestia ta hopi limita na Aruba.

E nivel di pesca na Aruba tey, pero nos sa tambe cu esaki no lo ta suficiente p’e mercado local.

P’esey nos ta kere cu ta juist e personanan cu ta

dedica nan mes na agricultura, cria y pesca, mester wordo yuda pa asina nan por produci mas pa nos isla.

Ta tristo pa mira con e Gobierno saliente a engaña e piscadornan despues di a priminti di no pasa e ley cu ta prohibi pesca di cierto pesca nan, y ni dos siman di a sinta na mesa ta pas’e toch.

Ta un bon momento pa hunto cu tur piscado y otro stakeholders. sinta na mesa y deline un maneho duradero

y asina evalua, ahusta y si mester, introduci leynan nobo cu lo percura pa un maneho duradero y eficiente pa cu piscamento na Aruba.

For di banda di e piscadornan mes, nos por compronde cu tin hopi interes pa regula cierto tipo di piscamento, pero tambe pa proteha algun especie di pesca.

E especienan di pesca cu kier proteha ta e.o bayena, dolfijn y turtuga.

Piscamento ta algo saludabel pero e tin su costonan.

Y akinan nos ta di opinion cu pa por baha e

prijs di pesca nos mester por yega na un acuerdo pa por baha e costo di e piscadornan, y na mes momento regula entrada di piscanan di afor cu ta nifica un competencia inhusto pa nos piscadornan.


Nos meta mester ta pa proteha y enrikese e bida marino di Aruba, y esaki nos lo por logra si tur stakeholders, incluyendo nos piscadornan, ta rib’e mesun linea.

No por ta asina cu bo ta prohibi spear fishing bisando cu nan ta hasi daño n’e coralnan, mientras tin barconan grandi cu ora nan anca ta hasi

mucho mas daño.

Y tampoco por ta asina cu ta prohibi nos piscadornan di pesca cierto especie di piscanan, mientras cu nos sa cu tin piscadornan di otro pais keto bay ta piscando den nos awanan ilegalmente, y nos no por hasi nada contra nan.

Nos ta sigur cu den e proximo Gobierno lo tin pensamentonan nobo y inovativo pa cu e maneho duradero di e Sector Primario. E maneho aki mester tin e vision pa hasi e sector aki un pilar di nos economia, pero teniendo na cuenta cu e area aki ta anca den nos cultura y tradicion.



SAVOR

## FLAVORS OF PERU

### EXCLUSIVE 5-COURSE DINNER AND PISCO SOUR WELCOME COCKTAIL

Enjoy an authentic culinary experience by renowned guest chefs and savor exquisite Peruvian cuisine specialties.

**FRIDAY, OCTOBER 13TH | 7:00 P.M.**

**SATURDAY, OCTOBER 14TH | 7:00 P.M.**

Dinner starts at 7:30 p.m.

**Price:** \$59 (price excludes service charge & local tax)

**Location:** Solanio restaurant at The Ritz-Carlton, Aruba

**Participants:** Valery Schroth, JW Marriott, Lima

Teddy Bouroncle, Aruba Marriott Resort

Rafael Lopez-Aliaga, The Ritz-Carlton, Aruba

**FOR RESERVATIONS CALL 527-2699**

**THE RITZ-CARLTON**

ARUBA




# AWE TA NET 27 AÑA CU HOOIBERG A BIN ABAO

**DESPUES** di un yobida torencial cu a cuminsa den anochi di 12 di october y a sigui den oranan di madrugada dia 13, den oranan di madrugada a surgi un mud-slide, cu a bin abao, bay riba un cas, unda un señora a bin fayece, sin por a salb'e. Den e bahada aki, un cacho tambe di e famia a muri.

Ningun hende por a pensa cu un dia parti di Hooiberg lo por bin abao, pero esey a sosode 27 aña pasa.

Awe 13 di october, cu ta Dia di La Birgen di Fatima. Maske e tempo ey, a bisa cu DOW lo studia pa wak p'esaki no ripiti, pero te awe nada a tuma lugar. Ta di spera cu no tin mas malo tempo ta pasa riba nos isla y cu La Birgen di Alto Vista cuida nos isla.

*Photo Cortesia: www.aruba.com*



**SERVICIO SEPTICO**  
ecotech group

- Residencial & Comercial
- Servicio Rapido
- Servicio Profesional, Confiabel y Garantisa

\* Prijs di Awg. 65,- te max. di 7 m<sup>3</sup>  
\* Prices based on 3.5% BBO BAZV.

YAMA NOS NA: 582-4684 info@ecotech.aw  
www.ecotecharuba.com

Nos ta Acepta ATM ora di duna septic service



Auto-Truck-Bus-Brommer Trailer

**Special Offer!**

**RIJLES HERMUS**  
RIJSCHOOL NV  
5943263 / 5826732  
Hermusrijschoolnv.com

Corte di Prome Instancia lo trata awe

## Caso di asesinato na September di aña pasa y algun caso pro-forma tambe di asesinato

Horario	Sospechoso	Acto Castigabel
08.15	E.A.L.	Pro forma. E ta wordo acusa di, cu e intencion di tuma bida di un persona riba 22 di juni 2017, dor di tire cu un arma di candela na su pia. E ta wordo acusa di a menaza un persona cu morto riba 11 di mei 2017, dor di bise: "Bo kier mi hinca bo awor? Bo kier mi tira bo den frenta? Bo kier mi tira un handgranaat riba bo cas?" y/of a pushe cu un cuchio na su barica. E ta wordo acusa di posesion di un arma di candela y balanan riba 28 di juni 2017. E ta wordo acusa di, cu e intencion di tuma bida di un of mas persona riba 27 di juni 2017, a los tironan riba nan cas.
08.15	E.A.M.J.S.	Pro forma. E ta wordo acusa di a tuma bida di un persona riba 21 di mei 2017, dor di tire un of mas biahha cu un revolver na su cabez y/of pecho.
08.30	J.P.E. P.S.F.	E. y F. ta wordo acusa di, conhuntamente cu un otro of otronan, a tuma bida di un persona riba 13 di september 2016, dor di los un of mas tiro riba e persona aki, a consecuencia di cual el a fayece, y di ladroncia cu violencia di un suma di placa y un cadena y telefonnan y un auto.



Presidente di Raad van Advies, F. Goedgedrag den charla na UA

## Aruba a logra baha deficit, pero no segun e normanan estableci den protocol



**RECIENTEMENTE** mr. Frits M. de los Santos Goedgedrag, Presidente di Raad van Advies, a tene un discurso na Uni-

versidad di Aruba. E tema di e charla aki tabata “Ontwikkelingen overheidsfinanciën Aruba”. E charla aki cu tabata un

college publico ta inicio di e Masterclass di Finanza Publico, for di 9 te cu 13 di october, pa miembronan di e cadena financiero na Aruba.

E atencion no ta dirigi directamente riba e strategia di maneho di Gobierno, pero e miedo cu e crecemento di e debe na dado momento lo conduci na un nivel di debe incontrolabel y e peso pa e futuro generacion ta bira inhustamente pisa, Goedgedrag a bisa den e

colegio cu el a duna.

“Nos mester cuminsa pensa riba sostenibilidad di nos finanza publico. E sostenibilidad mester ta e guia enbes di e maneho di strategia financiero scogi. El a sigui señala cu na mei, 2015, a base di e desaroyonan denter di finanza di Gobierno a keda firma un protocol entre Aruba y Hulanda den cual ta diseña e cuadra pa realisacion di un finanza publico sostenibel por medio di e supervision

riba e aspectonan financiero cu kier logra cu presupuesto di pais Aruba.

Esaki a resulta finalmente den e Ley di Supervision Financiero temporal (LATft) den cual un organo nobo di control ta wordo crea y e normanan pa cu deficit di presupuesto ta wordo poni. E organo nobo aki, el a sigui splica, a bira College Aruba financieel toezicht (CAft), y nan mester a percura cu e normanan di deficit den e diferente sectornan ta wordo cumpli dor di Gobierno.

Aruba, segun e ley nobo, anualmente mester cuminsa baha e deficit or di 3.7% di e Producto Bruto Nacional na 2015 pa un surplus di 0.5% na 2018.

Den e presentacion di Frits Goedgedrag a wordo treci dilanti cu den e añanan 2015 y 2016 a cumpli cu e normanan poni. Un analisis adicional sinembargo ta muestra cu e forma con e normanan a wordo logra, no ta cuadra completamente cu e linea di un finanza publico duradero. A resulta cu e cumpli cu e normanan principalmente dor di entradanan incidental extra enbes di medidanan structural y duradero cu lo mester a aumenta e entradanan den forma structural y controla e gastonan.

“Esaki ta hiba nos n’e pregunta si nos como pais berdaderamente ta haci lo suficiente pa yega na un finanza publico duradero, y si e contesta ta no, kico ta necesario p’esaki.” Un pregunta cu no a haya contesta.



**KOORYMAN**



SIGUI NOS  
KOORYMANMEGASTORE.ARUBA

## DEALS OF THE WEEK

Oferta ta valido di Diabierna 13 di october t/c Diahuebs 19 di october 2017, tanten cu tin den stock.

### SUNSHADE SQUARE

- Midi: 5 x 5 m
- Disponibel den 4 color di tera

~~149.99~~

**129.99**

of 5200 Funmiles



TELA SIN LOUNGESSET

### STOEL DANTE

- Material duradero, fuerte, facil pa mantene
- Traha contra UV
- Traha na Europa
- Disponibel den Blanco, Graphite y Cappuccino



~~39.99~~  
**33.99**

of 1360 Funmiles

### RUBBERMAID WATER COOLER

- Heavy duty cu extra insulacion
- Kranchi inclui
- 5 Gallon



~~89.99~~  
**79.99**

of 1000 Funmiles

### DISPENSER PA BIBIDA

- 5,5 liter
- Glas



**19.99**

of 800 Funmiles



KOORYMAN MEGASTORE NON-STOP DI 7AM TE CU 7PM Y DIADOMINGO 9AM PA 2PM  
Kooyman Megastore Av. E. J. (Watty) Vos 20



WWW.KOORYMANBV.COM



Turismo en general pa Aruba:

# Merca y Canada ta fuerte den turismo pa Aruba, hunto cu diferente otro mercado

Di acuerdo cu BCA, den prome 3 lunanan di 2017 Turismo Receipts a produci 872.5 florin den nos economia

**MERCA** y Canada su prestacion ta fuerte, hunto cu diferente otro mercado. Parti esencial di e strategia di ATA tabata pa sigura cu entrada pa medio di turismo wordo afecta menos cu ta posibel. P'esaki, aña pasa 2016 a inverti e.o. AWG 4 milyon adicional den mercadeo na Merca, cual a pusha resultado di ultimo kwartaal di 2016 y durante 2017.

E aña aki a inverti AWG 2 milyon adicional pa sigui pusha Merca. Si compara volumen di Aruba pa cu otro destinacionnan den region di Caribe, por ripara cu nos destinacion ta wordo afecta fuertemente pa cu e situacion di Venezuela, aki mester tene na cuenta cu Aruba t'e mercado primario pa Venezuela tambe, den area di Caribe. E impacto di Venezuela ta wordo sinti na Aruba relativamente mas riba area di volumen, pero no riba aspectonan cu ta mara na ingreso pa medio di turismo.

Venezuela ta kedando un mercado cardinal, pero ora ta papia di mantene y sigui desaroya Aruba su turismo, ta importante pa sigui cu e enfoke riba mercadonan principal y continua na explora mercadonan nobo atravez di strategianan agil y diversifica. Conforme strategia pa sigui pusha mercadonan otro cu Venezuela, lo sigui intensiva esfuerzonan den ultimo kwartaal di e aña aki na Merca.

Merca su resultadonan fuerte, combina cu un region Latino Mericano (excluyendo Venezuela) y Europeo fuerte, ta resultando den entrada creciente pa medio di turismo asina compensando tambe e impacto di Venezuela su volumen cu ta bao presion.

## TOURISM RECEIPTS/CENTRAL BANK OF ARUBA

Di acuerdo cu Banco Central e asina yama 'Tourism Receipts', pa cu e prome tres luna (Q1) di 2017, a contribui cu

AWG 872.5 milyon den nos economia, cual ta un aumento di 3.5% compara cu e mesun temporada na 2016.

### HOTELNAN/AHATA

Segun Aruba Hotel and Tourism Association pa luna di september, e 'Average Daily Rate' (ADR) a aumenta cu 2.1% compara cu 2016. Esaki den cifra ta US\$ 172.28 na 2016 compara cu US\$ 175.94 pa 2017. P'e 'Year-to-Date' esaki a resulta den un aumento di 3.6% di US\$ 229.09 na 2016 pa US\$ 237.44 den 2017.

E entrada pa kamer disponibel, e asina yama RevPAR a aumenta cu 5.4% di US\$ 139.56 na 2016 pa US\$ 147.04 na 2017.

P'e prome 9 lunanan di 2017 esaki a aumenta cu 9.2%, na 2016 e tabata US\$ 183.88 y p'e mesun temporada den 2017 el a subi pa US\$ 200.72

E anochinan ocupa (ORN) pa kamer a aumenta cu 4.7% pa september 2017 y p'e 'Year-to-Date' 2017 el a aumenta pa 6.5%.

Gran parti di e aumento aki ta debi cu Tropicana Resort a habri cu 53 kamer adicional fin di december 2016.

E cifranan di AHATA ta basa riba 14 propiedadnan incluyendo mayoria di tur e hotelnan cu excepcion di Hilton Aruba.



Photo by Yory

inside Lennox® innovation

DUCTLESS MINI-SPLIT SYSTEMS

INVERTER TECHNOLOGY

QUALITY PRODUCTS- QUALITY ADVICES - QUALITY SERVICES

**FERTEC NV**  
AIRCONDITIONING-REFRIGERATION - PARTS

CAYA ERNESTO PETRONIA 45  
5882860 - 5633766  
FERTECNV\_MFER@OUTLOOK.COM

Has anyone ever told you that your air conditioner is beautiful?

\* ENERGY EFFICIENCY - UP TO 26 SEER  
\* SOUND RATING - AS LOW AS 59 DB  
\* SOLAR POWER CONNECTION  
\* ENERGY SAVINGS GUARANTEED  
\* 24/7 AIR CONDITIONING FOR LESS THEN AFL. 250 A MONTH

REDUCE HEATING AND COOLING BILLS BY UP TO 1/2

INVERTER TECHNOLOGY



# Pa luna di september, Aruba a yama bon-bini na 77.644 bishitante

Entrada pa kamer di hotel (RevPar) a aumenta cu 5.4%

E total di turismo 'stay-over' pa nos isla a keda casi igual cu un aumento di 0.4% si compara esaki cu september 2016.

Si exclui e bishitantenan di Venezuela, por mira un aumento di 11.3% cual ta igual na un total di 66.090 bishitante pa nos isla. No obstante e caida di mercado Venezolano, e aumento aki ta un indicacion di estabilidad y crecimiento continuo di Aruba su turismo.

Alabes, e cifranan ta indica crecimiento den mercadonan clave pa Aruba, manera Merca, Canada, Brazil, Argentina y Alemania.

P'e asina yama year-to-date 2017, 797.457 turista a bishita nos isla, cual ta 6.2% menos cu e mesun temporada aña pasa. Si nos exclui e bishitantenan Venezolano, por mira un aumento di 7.9%, equivalente na 726.444 bishitante.

## TURISMO 'STAY-OVER'

Aruba ta wordo representa den tres diferente continente. Compara cu september aña pasa, pa 2017 e turismo procedente for di e continente Norte Americano a aumenta cu 13.1% y ta trece 59.2% di total di turismo pa nos destinacion.

Na september, Merca a aumenta cu 12.6% y Canada cu 22.1%. P'e prome 9 lunanan di 2017, e continente aki a subi cu 9.3% pa turismo

pa Aruba.

Continente Latino Americano a baha cu 22.3% di cual Venezuela a baha cu 35.7% compara cu september aña pasa.

Brazil a subi cu 43.1% y Argentina a subi cu 24.5%. E continente di Latino America ta trece 26.1% di e total di turismo pa luna di september na nos isla.

P'e prome 9 lunanan, turismo procedente di Latino America a baha cu 38.8% primordialmente mara na caida for di Venezuela.

Pa loke ta Europa por nota un cu turismo a aumenta cu 7.4% compara cu e mesun luna aña pasa. Hulanda a keda casi igual, cu un aumento di 0.5% y Alemania a aumenta cu 25.3%.

E continente Europeo ta representa 11.4% di turismo pa Aruba pa luna di september.

P'e prome 9 luna, Europa a trece 5.2% turista mas pa Aruba compara cu e mesun temporada na 2016.


## TURISMO CRUCE-RO

Durante september 2017, 23.863 pasahero crucero a bishita nos destinacion riba un total di 12 diferente barco crucero. Compara cu luna di september aña pasa, turismo crucero a crece cu 11.5% (september 2016 Aruba a haya 21.411 bishitante for di 7 crucero).

En total p'e prome 9 luna di 2017, Aruba a

ricibi 537.069 pasahero crucero for 225 diferente barco. Esaki ta equivalente na un aumento di 22.3% pasahero adicional pa nos isla (20 barco crucero mas) compara cu e mesun temporada aña pasa.

Ademas di e cifranan aki, ta bon pa menciona cu september t'e ultimo luna di e asina yama 'low-season' (temporada abao) cu normalmente ta for di luna di mei te cu september.



Como parti di e strategia di A.T.A. tabata enfoka pa crece mas tanto posibel durante low season ta

demuestra den resultado di crecimiento cu 77.3% compara cu e low season 2016.

*Paranda Di*  
**Balashi**  
2017

*"Un Celebracion pa henter un pueblo"*

**DIABIerna OCT. 13, 2017**

LINEAR PARK | 5PM

GAITA AUTENTICO  
GAITA RUMBERA  
MUCHANAN DI MAMA ROSA  
METROPOLIS  
GRUPO DI BETICO  
N'FUZION  
ROBERT J'EANDOR  
TSUNAMI  
VIBES

NA DREMPEL  
DI FIN DI AÑA  
THE LOVE FOR PEACE EDITION





## AUCTION

THURSDAY NOVEMBER 9, 2017

On November 9, 2017, at 11 AM, at the Conference Room of the Chamber of Commerce, Aruba, will be auctioned in public, ex. 3:268 jo. 3:254 Civil Code of Aruba:

1. A residential house locally known as:

**NOORD 33-B**

- standing on a parcel of public land, 300 m2 size, situated at Noord in Aruba, locally recorded as Second Division Section C number 646, and;  
- standing on a parcel of public land, 498 m2 size, situated at Noord in Aruba, locally recorded as Second Division Section C number 2898.  
The lease rights expire on November 2, 2059.

**No reserve price will be used for the auction of this property.**

**Only serious offers will be considered.**

2. A residential house locally known as:

**GILLESPOPPESTRAAT 3**

standing on a parcel of full ownership land, 350 m2 in size, situated at Cura Cabai in Aruba, locally recorded as **5 M 65 / 1959**

**No reserve price will be used for the auction of this property.**

**Only serious offers will be considered.**

3. A residential house, locally known as

**NOORD 100-Z, unit # 3**

standing on full ownership land, 90 m2 size, situated at Noord in Aruba, locally recorded as Second division Section D number 1841.

**Starting price: Afl. 115.000,--**

**AUCTION NOTARY: T.R. Johnson, LL.M.**

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: "bij opbod") and by decreasing bids (in Dutch: "bij afmijning"), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.
- A private written bid can be submitted until October 25, 2017, 5 P.M.

For more information:

**WWW.JOHNSONNOTARY.COM**

## Polis a bay Bushiri Carting, despues di informacion cu un persona lo a accidenta



**DIARANSON** anochi algo prome cu 8'or Polis a wordo manda Bushiri Carting, pa un incidente cu un damita di 13 aña. Ya ambulance tambe tabata yegando.

Na prome instante a papia cu algo a pasa un damita y cu e lo a haya golpinan serio na cabes y pecho. Por a wak ambulance n'e sitio staciona y un rato despues personal di ambulance tabata bin cu e damita y su mama.

Por a wak cu e damita tabata ok, por a nota con trankil e paramediconan tabata cana bay n'e ambulance. No ta conoci pa nos kico exactamente a sosode.

E damita a wordo controla n'e sitio mes y despues a bandona den e ambulance. Polis tambe a continua su caminda, despues di a tende cu e damita ta ok.

**BO MESTER DI WASTE BUCKET RESIDENCIAL OF COMERCIAL?**

**ecotech** **YAMA** **Mr. Bucket** **594-3757** **mr.bucket@ecotech.aw**

20 yrd Big Bucket 15 yrd Junior Bucket 10 yrd Small Bucket



Universidad di Aruba ta presenta en conexion cu su anochi di informacion:

**Diabierna 20 di october 2017; Nochi di informacion p’e futuro studiantenan**

**UNIVERSIDAD** di Aruba ta invita tur estudiante di Colegio Arubano, International School of Aruba, avond HAVO/VWO, EPI y di tur esnan cu ta interesa pa inicia un estudio di enseñansa avansa na Aruba, pa asisti n’e anochi di informacion cu ta tuma lugar **diabierna 20 di october di 5:30 pa 9:00 p.m.**

Riba e dia aki lo duna informacion di Facultad di Derecho (Faculteit der Rechtsgeleerdheid - FdR), Facultad Financiero Economico (Financieel Economische Faculteit - FEF), Facultad di Turismo y Maneho (Faculty of Hospitality and Tourism Management Studies – FHTMS) y Facultad di Arte y Ciencia (Faculty of Arts & Science - FAS). Riba e dia aki tur estudiante cu ta interesa pa studia na Universidad di Aruba, e proximo aña academico tin oportunidad tambe pa haya informacion general y lo tin oportunidad pa papia cu estudiante y docentenan di e facultad nan.

Universidad di Aruba tin 4 facultad y ta brinda e graduadonan di scol secundario y otro interesado e oportunidad pa por aplica y asina sigui un estudio pa obtene un titulo na nivel di ‘**Bachelor**’ of ‘**Master**’.

Universidad di Aruba ta ofrece e siguiente especialisacionnan: Na FEF “Bedrijfseconomie” y “Commerciële Economie”, na FHTMS “Inter-

national Tourism & Hospitality” y “International Business & Marketing”, na FAS “Social Work & Development” y “Organization, Governance and Management”.

Universidad di Aruba tin un bon relacion cu diferente Universidad/ Hogeschool Hulandes, Universidad Mericano y cu otro universidad acredita den region. Un di e acuerdo nan mas reciente di Universidad di Aruba ta cu University of South Carolina na Merca caminda e estudiante lo por participa den un programa di intercambio, pagando e mesun suma di inscripcion cu tin na Universidad di Aruba.

Como estudiante di Universidad di Aruba no solamente bo por haci un programa di intercambio, pero tambe bo por bay haci bo pasantia (stage) afo. P’esaki tambe nos tin con acuerdo cu Universidad nan di Hulanda y Merca pa yuda supervisa y guia nos estudiante nan cu opta pa haci esaki. Esaki ta un muestra di e crecimiento di Universidad di Aruba den e ultimo añanan. E convenionan cu Universidad di Aruba ta sera cu universidad reconoci mundialmente ta na bienestar di tur nos studiantenan.

**BO FUTURO TA DEN BO MAN!**

Universidad di Aruba kier a invita un y tur cu ta interesa pa pasa e

anochi aki pa haya tur informacion necesario p’asina por haci un bon escogencia pa nan futuro. Mayor cu tin yiu na scol secundario tambe ta bon bini pa haya sa mas tocante e estudio cu nan yiu ta desea di haci y asina por yud’e scoge e pakete adecuado na scol secundario.




**Programma di e anochi:**

Time				
17:30-18:00	Welcome & Oportunidad pa cumpra algo na nos bar y cushina. Tur benta di e bar y cushina lo bai pa bek pa yuda nos estudiante nan.			
18:00– 19:00	Zaal A  Presentacion <b>FHTMS</b>	Classroom 2  Presentacion <b>FEF (AA opleiding)</b>	AULA Academic Foundation Year (año preparatorio)	Classroom 3  Presentacion <b>Social Work &amp; Development</b>
19:30-20:00	Oportunidad pa papia cu tur docente y estudiante nan di e diferente facultad.			
20:00-21:00	Zaal A  Presentacion <b>FdR (derecho)</b>	Zaal B  Presentacion <b>Double Degree (Master di Ley)</b>	AULA  FEF Fauldad di financia, contabilidad y mercadeo <b>Bachelor!</b>	Classroom 3  Presentacion <b>FAS-OGM Organization, Governance And management</b>

# INFORMATION NIGHT



WHAT CAN OUR UNIVERSITY DO FOR YOU?

COME TO DISCOVER  
LEAVE TO ACHIEVE

University of Aruba

SAVE THE DATE

**20 OCT**



**5:30 - 8:30 PM**

University of Aruba  
(In front of the Post Office)





## AUCTION

THURSDAY NOVEMBER 9, 2017

On November 9, 2017, at 11 AM, at the Conference Room of the Chamber of Commerce, Aruba, will be auctioned in public, ex. 3:268 jo. 3:254 Civil Code of Aruba:

1. A residential house, locally known as

### SABANIA ABAO 30-G

standing on a parcel of full ownership land, 1885 m2 in size, situated at Sabania Abao in Aruba, locally recorded as Third Division Section B number 828, with indexnumber D 3909.

**No reserve price will be used for the auction of this property.**

**Only serious offers will be considered.**

2. A residential house, locally known as

### TOTOLICASTRAAT 5

standing on a parcel of full ownership land, 606 m2 in size, situated at Totolicastraat in Aruba, locally recorded as First Division Section S number 65.

**No reserve price will be used for the auction of this property.**

**Only serious offers will be considered.**

3. A residential house, locally known as

### SEROE BLANCO 353

standing on a parcel of public land, 808 m2 in size, situated in Seroe Blanco in Aruba, locally recorded as First Division Section P number 2290.

The lease rights expire on September 30, 2052.

**Starting bid: to be announced**

**AUCTION NOTARY: T.R. Johnson, LL.M.**

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: "bij opbod") and by decreasing bids (in Dutch: "bij afmijning"), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.
- A private written bid can be submitted until October 25, 2017, 5 P.M.

For more information:

**WWW.JOHNSONNOTARY.COM**

## Partido MEP a reuni cu Departamento di Asunto Social **Pone e ser humano central ta MEP su prioridad**



**LIDER** di partido MEP Evelyn Wever-Croes a encabesa un delegacion grandi di politico di MEP kendenan a reuni cu Departamento di Asunto Social. Di parti di MEP a participa n'e reunion Setty Christiaans-Yarzagaray, Darlaine Guede-erasmus, Hendrik Tevreden, Daphne Lejuez, Roderich Lopez, Amy Richards, Eddy Paris, Sharlene Starke, Stephanie Croes, Jerehm Campbell, Endy Croes y Evelyn Wever-Croes.

Durante e reunion e politiconan a haya un presentacion di e situacion social na Aruba. P'e politiconan di MEP e situacion ta hopi alarmante y ta teme pa un explosion social.


Tur esaki ya e partido politico a acentua varios biaha cu ta pasa, pasobra Gobierno actual a prefera di inverti den klinker, enbes di den e problemanan social. Mester evita cu e "bom" social aki rementa.

E expertonan di Departamento di Asunto Social a delinia e maneho pa atende cu e problemanan social riba termino corto y termino largo. Tambe a enfatisa e importancia di e nucleo familiar den e proceso aki. Di parti di partido MEP, lider di MEP Evelyn Wever-Croes a expresa su gratitud p'e presentacion: "Pa nos di MEP prioridad ta pa pone e ser humano central atrobe y pesey ta importante pa reuni y scucha di e departamento cu ta atende cu e ser humano cu mester di asistencia pa haya sa con por yuda pa cada ser humano tin un mihor calidad di bida.

Mi ta impresiona p'e plan di e Departamento di Asunto Social, y di nos parti nos ta determina pa duna nan e sosten cu mester pa por logra atende cu problemanan social na Aruba".



# Turista procedente di New York victima di atraco arma den Hot Zone



**DIARANSON** anochi algo prome cu 11'or Polis a wordo manda dilanti Brickell Bay, caminda un turista lamentablemente a bira victima di un atraco arma. N'e sitio nos a combersa brevemente cu e cabayero, un persona procedente di New York.

El a conta nos cu e tabata bayendo pa busca su auto, un Toyota V-car y momento cu el a subi, dos homber cu un arma di candela a aserca e auto y a bise: "Get out of the car". Y nan a subi e auto y a bay cune.

Segun e turista a conta nos, e por a spera algo asina pasa na New York, pero hamas aki na Aruba. Tambe el a bisa: "If it was in New York, we would have shot them", indicando cu ey nan si nan ta carga arma.

E grupo di turista aki ta hospedando na Marriott Resort. Loke ta trata e atracadornan, manera ya nos a trece dilanti nan a papia Ingles. Polis a tira bista den e area y tambe riba Sasaki, mirando cu lo a haya indicacion cu nan lo por a subi Sasaki pa bay direccion Playa. Pero Polis no a logra localisa e auto. Atraco Team mester a pasa pa tuma nan declaracion.

**Johnson**  
notary services

## AUCTION

THURSDAY NOVEMBER 9, 2017

On November 9, 2017, at 11 AM, at the Conference Room of the Chamber of Commerce, Aruba, will be auctioned in public, ex. 3:268 jo. 3:254 Civil Code of Aruba:

1. A condominium locally known as

### THE RESIDENCES AT DIVI GOLF & BEACH RESORT

UNIT # 23

locally recorded as First Department Section K number 4066-A apartmentindex 23, consisting of:

- the exclusive right to use a condominium on the 1st floor;
- a 1.69 % undivided share in "The Residences at Divi Golf & Beach Resort"-buildings and facilities situated at Irausquin Boulevard Irausquin Boulevard 41, Eagle.

**Starting bid: US\$ 254.800,--**

2. A residential house, locally known as

### TANKI LEENDERT 159-A

standing on a parcel of public land, ca. 838 m2 in size, situated at Tanki Leendert in Aruba, being a part of the parcel locally recorded as First Division Section L number 3249, with index D 4824.

**Starting bid: Afl. 199.000,--**

#### AUCTION NOTARY: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: "bij opbod") and by decreasing bids (in Dutch: "bij afmijning"), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.
- A private written bid can be submitted until October 25, 2017, 5 P.M.

For more information:

**WWW.JOHNSONNOTARY.COM**





## AUCTION

THURSDAY NOVEMBER 9, 2017

On November 9, 2017, at 11 AM, at the Conference Room of the Chamber of Commerce, Aruba, will be auctioned in public, ex. 3:268 jo. 3:254 Civil Code of Aruba:

1. A residential house locally known as:

### SALINJA CERCA 39-H

standing on a parcel of public land, 430 m2 in size, situated at Kurimiau in Aruba, locally recorded as Second Division Section C number 1106. The lease rights expire on March 9, 2050

**Starting bid: Afl. 295.000,--**

2. A residential house, locally known as

### KURIMIAUW 5-W

standing on a parcel of public land, 1054 m2 in size, situated at Kurimiau in Aruba, locally recorded as Second Division Section D number 1156. The lease rights expire on December 11, 2057

**Starting bid: Afl. 199.000,--**

3. A residential house, locally known as

### WEG FONTEIN 154-D

standing on a parcel of full ownership land, 415 m2 in size, situated at Weg Fontein in Aruba, locally recorded as "Meetbrief 69/1991"

**Starting bid: Afl. 15.000,--**

#### AUCTION NOTARY: T.R. Johnson, LL.M.

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- The auction will take place by raising bids (in Dutch: "bij opbod") and by decreasing bids (in Dutch: "bij afmijning"), in one session.
- Seller has the right to not accept any bid, at his sole discretion.
- The auction may be stopped or postponed at any time.
- Each bidder must be able to submit a bankguarantee issued by a reputable bank in Aruba to the amount of the highest bid increased with an amount equal to the auction costs.
- A private written bid can be submitted until October 25, 2017, 5 P.M.

For more information:

**WWW.JOHNSONNOTARY.COM**

Minister Juan David Yrausquin cu interes grandi

## A atende debate den Tweede Kamer riba Gobierno nobo di Hulanda



**DEN HAAG** – Den Tweede Kamer na Hulanda a tuma lugar ayera un debate riba e raport final di Informador Gerrit Zalm. Esaki despues cu diamars ultimo e 4 partidonan cu lo forma e coalicion nobo, cu ta VVD di Mark Rutte, CDA di Sybrand Buma, D66 di Alexander Pechtold y ChristenUnie di Gert Jan Segers, a presenta nan programa di gobernacion basa riba e tarea di Informador Zalm. Demisionario Minister Plenipotenciario Juan David Yrausquin a presencia e debate aki pa mira di serca con Parlamento di Hulanda ta anda cu e proceso pa formacion di un Gobierno nobo. Ta Tweede Kamer ta apunta un Informador of "Verkenner" pa cuminsa sondea e posibilidad cerca e partidonan pa yega na un coalicion. Antes esaki tabata wordo haci pa La Reina. 'Ta hopi interesante pa mira y sigi e proceso aki y sigur por siña dje,' asina e mandatario a bisa. Lider di VVD y actual Prome Minister Mark Rutte a keda apunta como Formador y awor lo bay cuminsa na busca candidatonan p'e diferente carterenan den su Gobierno Minister Juan David Yrausquin a bisa tambe di ta contento pa mira cu Reino Hulandes a haya hopi atencion den e programa di gobernacion di e futuro Gabinete Rutte III, compara con esaki tabata ta den e programanan di gobernacion den pasado. Na final di e debate Minister Juan David Yrausquin a felicita e 4 lidernan di partidonan cu ta forma e Gobierno nobo di Hulanda.

*(Potretnan ta cortesía di Cas di Aruba)*



# Aruba Certification Program hunto cu Barceló ta presenta: Cultivando Inteligencia Emocional

Un enfoke riba e capital humano pa por ta exitoso



**RIBA** 3 y 10 di oktober di e aña aki, Aruba Certification Program (ACP) tabatin e oportunidad di certifica mas di 60 ehecutivo di hotel Barceló. Den dos sesion e programa di certificacion di Aruba tabata tin e honor di enfoca rib'e importancia di duna informacion corecto y consistente di Aruba, y desaroyo di inteligencia emocional na trabou.

E sesion pa ehecutivo ta forma parti di e proyecto piloto di ACP 'Speed Executive course'. Durante e sesion a elabora rib'e tema di autenticidad y tambe compartimento di e storianan impactante cu ta forma parti di e herencia di Aruba.

A splica cu e perfil di bishitante ta cambia den forma cu e lo kier sa kico t'e esencia di nos isla y e diferencia entre Aruba y otro isla den region caribense.

Tambe a duna informacion relaciona cu e importancia di inteligencia emocional, esta dor di ta consciente di tanto bo emocionnan como tambe esunnan di otro, pa asina maneha esakinan den forma adecuado pa por yega na metanan colectivo

di un organisacion of compania.

Esaki pa asina por yega na un nivel di servicio excelente como tambe e esencia di hospitalidad. Importante ta pa menciona cu parti di e servicio excelente ta autenticidad y pesey informacion corecto y consistente di Aruba ta di suma importancia.

P'e team di Aruba Certification Program tabata un honor di por a conta tanto cu presencia di General Manager di Barceló, señor Samuel Jhonson, como tambe General Manager suplemente, señora Lorena Salas Molina.

Ambos a duna discurso sumamente elocuente enfatisando e filosofia di traha den ekipo uni y provee servicio excelente y ta hospitalario.

Un palabra di danki ta bay pa gerencia di Barceló, tur empleado cu a brinda nan tempo, y sra Jane pa su sosten continuamente.

Pa esnan cu ta interesa den e siguiende tanda di ACP pa aña 2018, por yama libremente na [280-2924](tel:280-2924) of bishita [www.acp.com](http://www.acp.com)

## Servicio pa Comunidad



### Emergencia

Brandweer .....	911
Polis .....	100
Polis Oranjestad .....	102
Polis San Nicolas .....	104
Polis Santa Cruz .....	105
Polis Shaba .....	107
Polis Tipline .....	11141

Ambulance San Nicolas .....	584-5050
Ambulance Sasaki .....	582-5573
Ambulance Wayaca .....	582-1234

Hospital .....	527-4000
Centro Medico San Nicolas ..	524-8833
SVB (AO-Ziekmelding) .....	527-2782

### Botica na Warda

**Pabou di Brug:**  
Paradera

**Pariba di Brug:**  
San Nicolas

### Dokter na Warda

**Pabou di Brug:**

**Pariba di Brug:**  
Wever

### Servicionan

ELMAR Storingdienst .....	523-7147
SETAR Storingdienst .....	117
Digicel .....	145
WEB Storingdienst .....	525-4600
Reina Beatrix Int'l Airport .....	524-2424
Serlimar .....	584-5080
Arugas .....	585-1198
Guarda Costa .....	913

### Funeraria

AD Patres .....	584-2299
Aurora .....	588-6699
The Olive Tree .....	582-0000

### Fundacion

Rode Kruis Aruba .....	582-2219
FADA .....	583-2999
Fundacion Respeta Mi .....	582-4433
Fundacion Guia Mi .....	587-1677
Muhe den Dificultad .....	583-5400
Telefon pa Hubentud .....	131
Centro Kibrahacha .....	588-3131
Stichting Bloedbank .....	587-0002
Mary Joan Foundation .....	588-9999
Koningin Wilhemina Fonds ...	582-0412
Fundacion Pa Nos Muchanan...	583-4247

### Cas Editorial



#### The Media Group

Margrietstraat #3  
Oranjestad, Aruba  
Tel: 583-1400 Fax: 583-1444

#### Orario di Oficina

Dialuna - Diabierna  
8am - 5pm

#### Cuenta di Banco

CMB #22982600

#### E-mail

**Redaccion:** [noticia@awemainta.com](mailto:noticia@awemainta.com)  
**Aviso:** [aviso@awemainta.com](mailto:aviso@awemainta.com)


**Subscribi na:** [notica@awemainta.com](mailto:notica@awemainta.com)

#### Director

**Victor "Toko" Winklaar**  
**Victor R. Winklaar**



# Polis ta detene 4 persona indocumenta den un van, durante un control di trafico



## CORIENTE TA INDESPENSABEL



Pa por garantisa suministro permanente di coriente, ta necesario pa nos clientenan paga nan cuenta na tempo.

**Ultimo dia pa paga e cuenta pa luna di augustus 2017 lo ta:**

**Dialuna  
16 october, 2017**



## ATENCION

Clientenan cu no paga nan cuenta prome cu e fecha aki, ta core riesgo cu e percela por wordo desconecta.

Pagonan haci via banco ta yega algun dia despues den nos poder.

ELMAR ta conta cu bo sosten, pa nos por sigui garantisa suministro di coriente continuo y di calidad.

Pa mas informacion yama 523-7100 of e-mail nos via [customerservice@elmar.aw](mailto:customerservice@elmar.aw)

**DIARANSON** anochi un patruya di Polis tabata pasando den De La Sallestraat y a nota un Hyundai van, color Blanco, coriendo un poco sospechoso, mesora nan a bay pa control'e.

Na momento cu e agentenan policial a aserca e van nan a bin topa cu 4 persona di habla Spaño, ora a pidi pa nan documentonan, nan no por a musta cu nan ta legalmente na Aruba.

Mesora Polis a detene nan y a yama Warda Nos Costa pa busca nan. Cuater persona a keda deteni, dos muher y dos homber.

Un di e damanan tabata bisa Polis cu e ta bibando na Aruba, ta casa cu un Arubiano y su yiunan ta naci na Aruba, pero pa motibo cu e no por a prueba esaki e momento ey.

El a keda transporte pa oficina di Warda Nos Costa y si acaso resulta cu e ta papia berdad, e lo recupera su libertad al instante.



Aparte di nan celebracion di 65 aña Pasion pa Auto

# Yrausquin ta sigui celebra y cu no menos cu 5 hubilario y un Team Building Evento



**AÑA 2017** ta un aña cu hopi alegria y celebracion p'e famia y empleadonan di Yrausquin.

Ademas di ta celebrando 65 aña aniversario di existencia di e compania, a celebra hubilario di empleadonan Nathalie Laclé-Yrausquin (25 aña), Ivan Sneek (20 aña), Elvin Krind (15 aña), Lillian Dirksz (10 aña) y Danielle Popke (5 aña).

E hubilario a wordo honra na final di un "Team Building" evento organisa den forma di un "Speurtocht".

E "Speurtocht" a tuma lugar den nos caya principal (Oranjestad) unda tin hopi historia y monumentonan di Aruba pa admira.

E mision di e "Speurtocht" tabata pa cada team participa den algun wega, completa algun tarea, resolve algun puzzel y contesta algun pregunta. Tur esaki mester a wordo haci como team hunto.

E "Speurtocht" a finalisa na Yrausquin situa na L.G. Smith Boulevard 112, y a clausura esaki cu un fiesta unda a honra e hubilario di e 5 empleadonan menciona anteriormente.

E meta principal tras di e "Speurtocht" aki tabata pa conoce otro un tiki mas, siña traha hunto cu otro, pone enfasis ariba strategia y tactica nan pa completa e tareanan, creatividad, fortalece e Team - Yrausquin, den un ambiente social y participativo, y por ultimo pero no menos importante pa "have fun".

Parti di e mision di Yrausquin ta pa anima y motiva nan empleadonan pa sobresali y pa brinda training, beneficienan competitivo y un facilidad solido pa traha aden. Yrausquin lo sigui fortalece e team cu mas actividadnan di "Team Building", como tambe ofrece su empleadonan diferente cursonan pa sigura cu su clientenan ta haya e miho servicio y e miho experiencia ora nan yama of bishita e showroom.

Di parti di nos redaccion y henter pueblo di Aruba nos ta felicita tur 5 empleado cu a festeha nan hubilario, como tambe Yrausquin pa nan 65 aniversario.







## Copa Aruba Teams drentando su recta final pa defini e mihor ekipo den tenis di mesa



**MAS** o menos 6 luna pasa, Aruba Table Tennis Association a inicia cu Copa Teams Aruba cu ta wordo hunga den team consisti di dos hungador. Tur siman e ekiponan ta lucha contra di otro p'asina keda halto den e ranking prome cu e rondnan final cuminsa. E weganan di Copa Teams Aruba semper ta emocionante y di bon nivel, unda nos hobennan ta resalta den forma impresionante den nan weganan hunga.

Recientemente tabatin algun bon partido cu e ser hunga na Club

Estrella y Centro Deportivo Betico Croes.

E ekipo di Jon Tai Aruba a gana 3 x 1 for di Power Pong, e duo di Magic Angle ta gana 3 x 0 di Omega Table Tennis. Tambe nos ta haya Dragon CD a gana Omega Table Tennis 3 x 0, mientras Mazuga Table Tennis a gana 3 x 1 for di Power Pong.

Den e otro weganan nos ta haya Mazuga Table Tennis a gana 3 x 2 for di Hooters Table Tennis y Jon Tai a gana 3 x 0 for di Mazuga Table Tennis.

Por ultimo nos ta haya Mario's Sport Shop a gana 3 x 0 for di Omega Table Tennis y Omega Table Tennis a gana di Dirksen Team 3 x 0.

E deporte di table tennis a cuminsa briya y saca cara di nos isla den exterior. Sigur den e region di Caribe, Aruba su nomber ta resalta. Luna pasa cu un ekipo relativamente hoben, Aruba a logra clasifica p'e torneo Senior Panamericano na Cartagena, Colombia, mientras cu siman pasa e hobennan Jeandry Mathilda y Chingho Chung a demostra cu Aruba su nivel no ta leu den comparacion cu e hungadornan di e continente Sur America.

Nan a bataya bon y duna dolor di cabes na varios pais grandi manera Brasil, Chile, Colombia y Peru.

Un danki sigur na Lotto, e Loteria di Aruba pa medio di Comision di Subsidio cu a yuda subsidia e torneo di Copa Aruba Teams 2017.

## Aruba Table Tennis a tene su torneo di Ranking



**FEDERACION** di Tenis di Mesa a tene su torneo di ranking pa 2017. E hungadornan den tur categoria a enfrenta otro p'asina defini nan posicion fiho riba e ranking di Aruba Table Tennis Association.

Tur fin di luna e dicho federacion ta tene su torneo di ranking.

Nos tin e siguiente resultadonan: Den e categoria U10, nos a haya

na prome lugar e hoben Marc Rasmijn, mientras na di dos lugar a keda Dylan de Leca y na di tres lugar a keda Shawn Kock. Den e categoria U13 nos tin na prome lugar e hoben Bob Chung, mientas na di dos lugar nos tin Robert Dirksen y na di tres lugar Joseline Boekhoudt.

Den e categoria U18 e prome lugar a bay pa Jeandry Mathilda, mientras na di dos lugar a keda Ching Ho Chung y na di tres lugar Jean Claude Hoek.

Despues di esnan infantil y hubenil a sigui cune categorianan di B y A klas. Den e categoria di B klas na prome lugar a keda Wing Chow Leong, na di dos lugar nos tin James Letren y na di tres lugar a keda Zhao Xie.

Por ultimo den A Klas e bataya tabata fuerte unda Mario Lobo a termina na di prome lugar sigui pa Andy Gomes cu a keda na di dos lugar y Franklin Lopes cu a keda na di tres lugar.

Un danki sigur na Lotto, e Loteria di Aruba pa medio di Comision di Subsidio cu a subsidia e torneo ranking di Aruba Table Tennis Association.



# Guardian Group Sprint Triathlon lo ta diadomingo awor na Boca Catalina



**DESPUES** di a organisa e Kids Aquathlon, Federacion di Triatlon Arubano, ATA lo organisa un otro tremendo evento pa nan triatletanan e biaha aki e tan gusta Guardian Group Sprint Triathlon, esaki diadomingo 15 di october proximo.

E evento di Sprint Triathlon lo ta programa pa cuminsa pa 7'or di mainta y lo ta n'e lugar di custumber, esta Boca Catalina na Malmok.

E evento di Sprint Triathlon lo ta uno veloz

mirando e distancianan cortico cu tin cu wordo recorri, pero mas cu claro e intensidad lo ta uno halto. Pa loke t'e participacion pa cu e careda di Sprint Triathlon, e categori- anan lo ta den Super Sprint (Kids te cu 14 aña) unda nan lo mester landa 375 meter, core bicicleta 10 kilometer y finalisa cu 2.5 kilometer core na pia.

Den e categoria di Junior & Adulto Male, e distancianan recorri lo ta un tiki mas. Aki cada atleta lo mester landa un total di 750 meter, core bicicleta pa 20 km y finalisa e

competencia cu un 5 km careda na pia. Por ultimo den e categoria Female Open 15+, aki e tri-atletanan femenino mester landa 750 m, despues core bicicleta un total di 20 km y finalisa nan careda na pia cu un recorrido di 5 km.

Un danki sigur na Lotto, e Loteria di Aruba pa medio di Comision di Subsidio cu ta subsidia e evento di Guardian Group Sprint Triathlon organisa pa Aruba Triathlon Association.

## Coca Cola Nacional Division Honor ta cla



**NOS** team campeón, Coca-Cola Nacional, ta bon prepara p'e campeonato division honor 2017/2018 cu ta ranca sali e weekend aki mes.

Cu nos titulo di campeón, nos ta mas prepara cu nunca pa sigui cu e racha di gana so. Ta p'esey nos kier invita henter pueblo di Aruba pa bin aprecia nos prome wega p'e temporada aki, diasabra awo dia 14 di

october.

Esaki ta tuma luga na Centro Deportivo Guillermo P. Trinidad na Dakota pa 8'or di anochi.

For di 7.30 pm ya por cumpra ticket pa drenta y presencia e tremendo partido aki. Entrada ta Awg. 7.= y pa mucha te cu 12 aña solamente Awg. 1.=.

Bin pa boso mes wak pakico nos ta y lo keda campeón.

Asina tambe apoya y engrandece e deporte di mas gusta na mundo cu ta logicamente futbol.

Coca-Cola Nacional ta invita fanaticonan di futbol y henter pueblo di Aruba p'e wega interesante aki.

Un informacion special pa nos fanaticonan di Coca-Cola Nacional: e biaha aki nos tin e tribune parti panort.

Bin masalmente y manera Semper, bon anima p'asina nos demostra henter Aruba ta con ta apoya un team!

Baha fanaticonan di Nacional... Ban yena stadion y ban muestra nos goso cu orguyo. Futbol ta nos pasion y Nacional ta nos team!



# Fundacion Pa Nos Muchanan a presenta Workshop titula “Melodia Creativo”



**CREATIVIDAD** ta un aspecto hopi importante den e trabou como lider di Centro di Cuido di Mucha. P’e motibo aki, recientemente a tene un workshop recreativo basa ariba musica.

Esaki a keda presenta pa Michael Lampe, mihor conoci como “Fellow”, y Raquel Lampe.

Raquel Lampe ta un docente di musica y Michael ta fundador di e plataforma creativo yama BEAM, como tambe e tin diferente hit bou di number di Fellow y Datapanik.

Hunto nan a sa di percura pa un mainta yena cu musica, melodia y creatividad.

Den e workshop, e lidernan a haya tips, tools y idea con pa incorpora musica den un manera simpel diariamente den nan programa.

Tambe nan a haya un splicacion tocante e importancia di esaki pa cu nan grupo meta, cual ta muchanan di 0-12 aña di edad.

E creatividad y talentonan scondi a resalta di e lidernan na momento cu nan a forma nan mesun cantica e mainta aki.

FPNM ta sumamente satisfecho con e workshop aki a bay y ta gradici tanto Michael como Raquel, y tur lider di Centronan di Cuido cu a participa.

Centronan cu a participa ta: CEDES, Pasa dushi pasa pret, Angel Speelschool, E Barco di Noah Speelschool, Hardin di Infancia, Mi Casita Traimerdia y Tante Detta Speelschool.

Pa mas informacion tocante nos cursonan por tuma contacto cu nos na 588-0586/583-4247 of bishita nos Facebook page.



**BANCO DI CARIBE**

## OFFICIËLE KOERSEN TEN OPZICHTE VAN DE ARUBAANSE FLORIN

GELDIG OP 12 Oct, 2017 EN TOT NADER ORDER

valuta	aankoop van publiek			verkoop aan publiek
	bankpapier	wissels, CHQ's reischeques en overboekingen		
Ned. Antil. Gulden ANG	98.00	100.00	biljetten chq./overboeking	100.20
Per ANG 100				100.00
Amerikaanse dollar USD	1.77	1.78		1.80
Canadese dollar CAD	1.41	1.43		1.45
Zwitserse frank (per 100) CHF	182.59	183.31		184.11
Pond sterling GBP	2.27	2.32		2.38
Japanse yen (per 10.000) JPY	157.19	158.62		160.22
EURO (per 100) EUR	209.25	211.16		213.28
Deense kroon (per 100) DKK	27.39	28.11		28.91
Noorse kroon (per 100) NOK	21.55	22.27		23.07
Zweedse kroon (per 100) SEK	21.01	21.73		22.53

**AWE Mainta**  
e corant di Toko

**Tel: 583-1400 Fax: 583-1444**



# Awe tardi lo tin Parada di Brandweer



AWE diabierna pa 4:30 di atardi ta cuminsa e setup p'e parada di Brandweer. E parada ta sali di Paddock ta pasa riba e brug y dilanti Parlamento y caba di Wilhelmina Park.

Tur aña tin diferente truck di Bombero ta participa y tambe tin muchanan di diferente scol cu ta forma parti di e parada.

Tambe lo tin un brassband cu ta participa. Dilanti Parlamento lo tin diferente mandatario ta ricibi e parada.

Cuerpo di Bombero ta invita muchanan cu kier participa y tambe esan cu kier para na banda y wak e parada.

Muchanan corda cu "Marshall di Paw Patrol" tambe lo tey ne parada.



# Ainda tin oportunidad pa registra pa Workshop di Idea: **“Shift your Mindset, Save your Business”**

SI bo tin un negoshi existente of bo ta den den proceso pa habri un negoshi, porfavor asisti na Idea su workshop “Shift your Mindset, Save your Business” dia 14 october venidero.

E orador p’e workshop aki lo ta sra. Michele Brooks, doño y Managing Director di PJ Consulting Group VBA.

Sra. Brooks ta un ‘motivational speaker’ y cu hopi aña di experiencia como speaker den diferente conferencia grandi na Aruba.

Su compania ta duna diferente servicio, e.o.: Human Resources Management, Customer Service Training, Leadership & Management Development, Labor Relations, Organization Effectiveness, Executive Development, Action Research, Conflict Management, Group Facilitation, Managing Resistance to Change, Organizational Restructuring, Project Management y Team Building.

Sra. Brooks su meta ta pa inspira cambio den persona y organisacion.

Den e workshop aki bo lo siña e.o, con bo mindset por afecta bo exito den bo negoshi y tambe cu un mindset adecua por aumenta creatividad y productividad den bo negoshi.

Workshop ta completamente GRATIS y ta tuma lugar na Departamento di Asuntonan Economico, Comercio y Industria na Sun Plaza, di dos piso, di 10.00 am pa 12.30 pm.

Pa tur empresario existente of personanan cu ta den proceso pa habri un negoshi y cu kier atende e workshop aki, mester inscribi via email: [info@idea-aruba.com](mailto:info@idea-aruba.com) of via telefoon: 521-2439/521-2440. Cupo ta limita, nos ta wardabo!

## Workshop di Iniciativa pa Desaroyo di Empresa Arubano (Idea): “Di Agricultor pa Empresario”



**INICIATIVA** pa Desaroyo di Empresa Arubano (IDEA), conhuntamente cu Santa Rosa (Departamento di Agricultura, Cria y Pesca) ta organisando un workshop titula “Di Agricultor pa Empresario” cu ta specialmente pa agricultornan cu tin idea pa bira un futuro empresario.

E workshop lo consisti di 4 (mitar dia) di presentacion.

E dianan y ora pa e workshop ta lo siguiente:

17 di october 2017 (diamars), orario: 1:00 – 4:30 p.m

19 di october 2017 (diahuebs), orario: 1:00 – 4:30 p.m

24 di october 2017 (diamars), orario: 1:30 – 4:30 p.m

26 di october 2017 (diahuebs), orario: 2:00 – 4:30 p.m

Lo tin diferente facilitadornan local cu lo ta presente pa haci e workshop aki posibel.

E facilitadornan cu lo representa nan departamento of compania ta: sra. Yvette Geerman (Directie Volksgezondheid) sr. Rodney Bareño (Veterinaire Dienst), sr. Mario Maduro (DIP), sra. Cindy Clark LL.M (Reliant Dutch Caribbean & Suriname), sr. Oliver Vieira (Qredits), sra. Nathalie Maduro (Santa Rosa) y sra. Judella Trim, sra. Louella Croes-Ras y sra. Mary Baarh (Departamento di

Asuntonan Economico, Comercio y industria/IDEA & VVB).

Durante e workshop lo tin diferente oradornan cu lo duna nan “success story” manera: Sr. James Ocalia (Goshen Sustainable Development Corporation.), sr. David Kock (Cunucu Aruba Dushi Tera), sr. Taino Heinze (Micro Greens), sr. Urvin Leest (miSimia), sr. James Ramos (Cunucu Di Jimmy) y sr. Aurelio Ruiz (Hot Delight Gourmet Hot Sauce).



Workshop ta completamente gratis y ta tuma lugar na Departamento di Asuntonan Economico, Comercio y Industria na L.G. Smith Blvd 160, Sun Plaza, Piso 2.

Pa tur agricultor existente of cu ta den proceso pa bira un agricultor y cu kier atende e workshop, mester inscribi via email: [info@idea-aruba.com](mailto:info@idea-aruba.com) of via telefoon: 521-2440 of 521-2439.

Cupo ta limita, nos ta wardabo!

Abo tin un Idea? Hasi bo Idea realidad. Bishita Idea na Departamento di Asuntonan Economico, Comercio y Industria, na Sun Plaza di dos piso, y nan lo yudabo cu tur informacion y guia necesario.



# SETAR cu su campaña "Share Your Joyous Moments"



SETAR ta lanza su campaña di 'Share Your Joyous Moments'.

SETAR ta invita tur cu kier comparti momentonan special pa haci esaki, sea ta cu un potret, un video, of simplemente skirbi e storia di e momento special.

E por ta sea un graduacion, nacemento di yiu, casamento, etc.

E motibo di e campaña ta pa recorda nos mes cu momentonan special den bida ta algo nos mester aprecia y balora.

Hopi biaha den e drukte di bida diario, nos ta lubida di pensa kico nan ta importante.

SETAR kier yuda recorda tur hende di esaki.

Recientemente un team di SETAR a subi caya buscando momentonan alegre pa recorda. Rib'e potretnan por mira momentonan di alegria cu a comparti cu diferente persona.

Pa participa, post e momento felis cu bo kier comparti rib'e pagina di Facebook di SETAR. Campaña ta di awo te cu 31 di december. Despues di e dia ey lo anuncia 3 ganador. Pero durante e lunanan aki lo rifa diferente premio tambe pa tur cu participa.

Pa mas informacion, bishita nos pagina web

[www.setar.aw](http://www.setar.aw) of SETAR su Facebook page.



## Endy Croes y Chipen Chirino a sali pa Botswana, Africa pa atende Congreso Mundial WBSC World Baseball and Softball Confederation



DIALUNA ultimo a sali pa Botswana, Africa Presidente y Vice Presidente di Aruba Softball Bond, esta Endy Croes y Francisco "Chipen" Chirino.

For di 2015 tabata conoci cu Botswana, Africa a gana e bidding pa host e Congreso Mundial di Baseball y Softball.

Pa bay bek poco den historia na 2014 na Tunesia a logra unifica e dos Federacionnan International, esta IBAF (Baseball) y ISF (Softball). Esaki mester a tuma lugar pa crea e oportunidad pa tanto Baseball y Softball regresa den weganan Olimpico.

Despues di e decision aki baseball (masculino) y softball (femenino) a logra drenta programa di weganan Olimpico pa cu Japon, Tokyo 2020. WBSC awor ta consisti di dos disciplina esta Baseball y Softball. Dia 12 pa 15 di october proximo lo celebra e prome Congreso oficial di WBSC desde cu e fusion a tuma lugar bou di un solo dak, esta Baseball y Softball den union y hunto.

Endy Croes formando parti como miembro di directiva di WBSC a wordo apunta pa traha den diferente comision tanto Hall of Fame y tambe

comision di reglamento. Tin un buki reglamento nobo cu lo bay sali na 2018 completamente revisa y modifica unda no lo papia mas di 12 reglamento, pero di Chapter 1 te cu 6.

Esaki e.o. ta riba programa pa wordo aproba. Tambe formatonan mas atractivo pa hunga campeonatonan internacional tanto clasificatorio como inovacion pa cu weganan mundial.

Chipen Chirino ta den comision di material cu mester wordo aproba pa por wordo usa y tambe lo bay ta trahando separadamente segun e Congreso ta avansa.

Aruba por ta orguyoso di tin su representantenan trahando den funcionan internacional. Sigur Endy y Chipen lo sa di busca cualkier beneficio internacional cu e contactonan riba e nivel aki cu por yuda nos isla progresa y desaroya nos deporte di softball.



# Kiwanis Club Aruba a celebra exitoso Aña Kiwanistico 2016-2017



E ultimo reunion di Kiwanis Club of Aruba p'e aña Kiwanistico 2016-2017 tabatin un toke special. E miembronan a reuni den Avec Nous Restaurant na Talk of The Town, cu t'e hotel cu desde fundacion di e club na 1965 t'e lugar unda ta reuni.

Como e ultimo reunion den funcion di Presidente di e club, Aurora Dijkhoff, a presenta e anochi cu un toke festivo pa celebra un aña sumamente exitoso.

Tumando e reto pa presidi e club di Kiwanis cu mas aña di existencia na Aruba, ta representa un responsabilidad y compromiso firme. Un compromiso cu sigur Aurora Dijkhoff a sa di demostra di a cumpli cabalmente conhuntamente cu e sosten di e miembronan, cu como boluntario ta traha na bienestar di e comunidad y primordialmente p'e muchanan di Aruba.

Durante e aña a ehecuta exitosamente un cantidad di proyecto manera; International Children's Day, Pasco den bo Bario, Bikes Back 2 Life, Kite Fly, Bon Bista, Smile Makers, Back 2 School, Clint Whitfield Outstanding Student Award, Oscar Antonette Exceptional Student Recognition, Kamishibai, Campaña di conscientisacion den trafico DNT TXT & DRIVE, Kiwanis Hands-on Day na Funari y Traffic Park Rayo di Solo Kleuterschool.

E ultimo menciona ademas di pinta e mapanan di caya riba e vloer di e scol, a laga restaura ful e arte di muraya cu emblematica di San Nicolas.

Kiwanis Club of Aruba a haci donacionnan substancial na diferente organizacion manera; Red Cross Aruba, Koningin Wilhelmina Fonds, Duna un Man pa Cria nos Muchanan, YMCA, South Little League Aruba, Fundacion Ballpark Savaneta, Fundacion Autismo

Aruba y Project Hechttingsproblematiek.

Conhuntamente cu Kiwanis Club Palm Beach y Kiwanis Young Professionals a haci un donacion tambe na Baby Zia pa su Voyage Chair.

Pa realisa e cantidad di proyecto-y donacionnan menciona ta danki n'e fondonan recauda di e dos eventonan grandi cu ta ser teni anualmente, cu ta Wine Gala Charity Event y Fundraising Golf Tournament. Cu e compromiso pa guia y ekipa e muchanan pa ta lider man den nos comunidad, Kiwanis Club of Aruba ta sponsor 5 SLP Clubs; Key Club Colegio Arubano, Key Club San Nicolas, CKI EPI, Builders Club Mon Plaisir y Aktion Club Sonrisa.

E trabou como boluntario cu e miembronan di Kiwanis Club of Aruba ta realisa cu amor p'e comunidad di Aruba a ser reconoci cu dos Lieutenant Governor Award durante e aña Kiwanistico 2016-2017 di Division 26 EC&C District.

E miembronan di e club cu a otorga un reconocimiento special tabata Edalitz Weller como "Kiwanian of the Year", Ryan Kock a ricibi "President Award" y como "Rookie of the Year" a resulta Jo-Anne Arends. Tanto e Hunta Directiva como Indra Anthony a ricibi un muestra di aprecio pa nan trabou sobresaliente.

Durante e anochi aki tambe a desvela dos banner di tanto Vice Governor Bob Spellén como Lieutenant Governor Giantonio Muller, kende ambos tin un posicion importante den Division 26 EC&C District.

Na final di e reunion Aurora Dijkhoff a pasa e gong y gavel over p'e Presidente nobo di Kiwanis Club of Aruba, Norma Brinkenberg-Spellén.



Segun experto den industry crucero, Amilcar Cascais

# Aruba tin tur loke mester pa sigui evoluciona e experiencia cu ta ofrece e turista crucero



**ORADOR** principal di e Cruise Symposium Aruba (CSA) 2017 tabata Sr. Amilcar Cascais, un veterano di e industria cu mas cu 25 aña di trayectoria.

E tema di su presentacion tabata ‘Con pa ta exitoso den e industria crucero’, cual contenido a duna un guia n’e participante y den cual el a elogia encuentronan cu ta incorpora miembronan activo den e industria pa traha y progresa hunto.

Entre e puntonan cu a trece dilanti, Cascais a enfatisa rib’e necesidad di renoba bo producto identificando su esencia, pero dunand’e un bachi nobo p’e keda competitivo.

“Boso tin un isla bunita; mester sigui ahusta e producto di un manera cu ta beneficia e industria y su necesidadnan. Asina ta haya un balor comercial mas grandi cu e industria lo kier sigui bishita y te hasta percura pa bishitanan adicional na Aruba,” Cascais a splica.

“Di loke mi por a wak awe, mi ta hopi satisfecho y te hasta impresion pa mira con bon organisa Aruba ta compronde e necesidadnan di e industria. Si sector priva hunto cu esun publico mester asumi e reto di enfoca mas riba innovacion y ofertanan exclusivo, pa cual porcierto por cobra mas, tanten cu e balor di exclusividad / personalisa tey.

Na final di dia, industria crucero ta un negoshi y su proposito ta pa haci ganashi. Liñanan crucero ta bay unda cu e pasaheronan ta pidi pa bay, pero tambe unda cu ta mas rendabel pa nan mes”. Cascais a comparti cu e participantenan di CSA 2017, con companianan crucero ta tuma nan decisionnan prome cu nan inclui un destinacion riba nan iterinario.

“Tipo di eventonan asina ta crucial”, segun e experto, cu ta kere cu ATA ta riba e bon caminda dor di percura pa sigui sinta na mesa cu tur partido involvi pa evalua, dialoga, planifica y ehecuta un vision comun.



# AWEMainta



[www.facebook.com/awemainta](http://www.facebook.com/awemainta)



Online





## AMAK, CFC y IPFM ta aclarea algun punto

**WILLEMSTAD** – Directivanan di AMAK, Curaçao Festival Center y Instituto pa Formacion Musical, a tuma nota di algun publicacion cu no ta cuadra completamente cu e bèrdad.

Enbèrdad t'asina cu siman pasa autoridadnan di Impuesto a pone candal na porta di oficina den Curaçao Festival Center.

E ponemento di candal aki tabata aparentemente pa motibo cu Instituto pa Formacion Musical no a cumpli completamente cu pagonan fiscal.

Motibo di esaki ta cu e montante palabra pa subsidio pa Instituto pa Formacion Musical no a drenta ainda, y esey a pone cu e montantenan correspondiente no por a ser deposita na Ontvanger.

### AMAK

Pa loke ta trata e organisacion di AMAK, ta bon pa mencioná cu tin un areglo entre e AMAK organisacion y Ontvanger pa mensualmente paga un suma riba impuestonan. Cu esaki AMAK a cumpli cabalmente te n'e momentonan aki.

Pa locual ta trata pagonan di OB, t'asina cu conforme un ley cu a sali na 2015, AMAK durante dos aña largo a entrega e peticion pa exoneracion di OB manera e ta prescribí den e ley.

Te cu dia di awe AMAK no a ricibí ningun reaccion riba ningun di e dos cartanan cu a keda manda.

### CURAÇAO FESTIVAL CENTER

E asunto cu Curaçao Festival Center tin 20 aña sin paga belasting, kisas ta referí aki na pago di Erftpacht Cannon di CFC.

Tin un documento firma, caminda for di inicio di CFC, den cua un Diputado ta sugerí pa laga e compleho cay bou di e institucion cu ta paga un suma simbólico, como cu ta trata aki di un Centro cu aparte cu ta organisá Festival di Tumba aden, ta duna oportunidad pa centenáres di hóben cu ta bin di mayornan cu tin entradanan abou, ta ricibí instruccion musical grátis.

Ademas Curaçao Festival Center durante aña ta duna cooperacion na vários organisacion social, cu no tin e fondonan na nan alcance pa cubri gastonan pa organisá nan actividad.

### INSTITUTO PA FORMACION MUSICAL

IPFM ta tratando pa solucioná e problema di financiamiento structural p'e proyecto di formacion musical grátis pa hóbenan den bario.

Finalmente, AMAK ta pidi pa tur hende keda tranquil, ya cu directiva di AMAK y CFC durante último lunanan ta trahando intensivamente cu inversionistanan cu kier sea participá den Festival di Tumba o invertí den optimalisacion di e compleho.

Pa haci esaki ta necesario pa tin un ambiente tranquil pa por finalisá tur e trámitenan y pa despues di reuní cu miembronan duna prensa e informacionnan conserní.

Den tienda na Sambil.....

## Surhailys Sophia condená pa maltrato di su rival cu sambèchi na Sambil

**WILLEMSTAD** - E ciudadano Surhailys Sophia di 26 aña di edad dia 7 di augustùs 2107 a maltratá su rival tambe di fam Sophia barbaramente cu sambèchi den cara. E muher aki tabatin relacion cu e mesun hòmer di fam Raap.

E damanan p'e motibo aki continuamente tabatin keskes cu otro. E víctima Oeki Sophia a bay te na pia di trabou di Surhailys Sophis aya na Sambil pa dal e wanta den cara.

Pa colmo anteriormente ya Oeki Sophia a menasá Surhailys vários biaha caba. Dia 7 di augustùs 2017 pa Surhailys awa a pasa hariña, como tal el a cue un sambèchi warda Oeki Sophia bin numa.

Den cayente di e situacion di bringamento cu a surgi Surhailys Sophia no a pèrdè pa gana, saca e sambèchi zwai e còrta Oeki Sophia den cara for di wènkrou te na kakumbein.

Un herida teribel cu lo nificá un sicatris teribel pa semper p'e víctima ta resultado di e pelea. Surhailys Sophia, en principio tin un bon nòmber na su trabou y ta considerá como un persona amabel, pero pa loke a sosodé no por toler'é na trabou mas.

Surhailys Sophia actualmente ta sperando un babt y lógicamente a tene consideracion cu su situacion personal.

Fiscal mr. van Vliet na cierto momento a dirigí algun palabra n'e hòmer Raap, pa ken e damanan a bringa y cu tabata sintá den tribuna siguiendo e caso den Corte.

Fiscal a puntr'é su opinion tocante loke a sosodé. Raap a drei contestá cu e ta percura di cuida su yiunan, anto cu e ta cu Surhailys Sophia y no cu Oeki Sophia.

Abogado mr. Hardeveld den e defensa di su cliente Surhailys Sophia a argumentá cu no ta trata aki di un maltrato pisá, pero tanto Fiscal como Huez a mostra e abogado cu den e caso aki e ta mal equiboca y cu e víctima casi a pèrdè un wowo.

Maske e acusado a keda molestiá y pèrsiguí p'e víctima, tampoco no por haci uzo di e argumento di defensa propio, pasobra Surhailys Sophia, claramente a prepará warda e víctima Oeki Sophia bin numa. Esey ta mostra cu tabatin premeditacion.

Den e caso di Surhailys Sophia ta trata di un first-offender. E castigo a bira 1 aña di prizon completamente condicional y un periodo di prueba di 2 aña, mas un castigo di trabou di 240 ora despues cu e caba di duna lus.

For di e 240 oranan un descuento di 46 ora (debí cu el a sinta 23 dia caba den prizon). Pues al final ta resta 198 ora di castigo di trabou, sino 97 dia di prizon si Surhailys Sophia no cumpli.



# InselAir MD bek den operacion cu buelonan comercial



**WILLEMSTAD** - Diaranzon 11 di october 2017, InselAir den colaboracion cu autoridadnan di Aviacion Civil Corsou a cumpli cu tur e rekisitonan di ley pa por a certificá e avion MD (MDI). E buelo di aceptacion cu a wordo haci tabata uno exitoso.

Den e ultimo lunanan tras di lomba, InselAir tabata haci su buelonan entre islanan ABC y Sint Maarten cu e avion Fokker 50, cual ta referí n'e escenario "Basico" cu a wordo introducí na comienso di e reorganizacion di InselAir.

Agregando e MD bek n'e flota di InselAir ta un paso importante riba e caminda p'e "Basico Plus", escenario cu lo yuda fortalecé e situacion financiero y lo completá e plan di stabilisacion di e compania.

Den e escenario aki clientenan lo mira cu rutanen anterior lo keda

reanuda. P'e motibo aki ta trahando acuerdonan financiero cu e paisnan den region.

InselAir sigur lo sigui continuá cu su plan pa yega n'e escenario caminda lo amplía su rutanen y conectividad den region.

E MD cu su 145 stoel lo opera tur dia riba e ruta entre Corsou y Sint Maarten entrante ayera 12 di october, saliendo for di Corsou 9.15am y lo aterisa na Sint Maarten 10.45am.

E buelo di regreso for di Sint Maarten lo sali 11:45am y lo aterisa na Corsou 1:15pm.

InselAir ta gradici e autoridadnan di Aviacion Civil Corsou y tur empleado di InselAir cu a forma parti di e proceso extenso pa por a trece e MD bek den operacion y alabes ta entusiasma di por cuminsa bek cu e servicio di jet pa nos clientenan riba e ruta di Sint Maarten.

## Detencion pa violacion di Ley di Arma di Candela



**WILLEMSTAD** - Diarazon 11 october ultimo, alrededor di 18.49 or, Central di Polis a ricibí notificacion cu bandá di un snack na Mirla Plateweg tin un hòmber den un vehículo color preto cu un arma di candela den su poder.

Team di Mantencion di Ordo Público cu a yega n'e sitio a topa cu e hòmber sintá den e auto cu un arma di candela den man.

A confiscá e arma di candela y a detené e sospechoso J.C.D.L.S. nacé na República Dominicana di 44 aña di edad. Tambe polis a confiscá e auto color preto pa mas investigacion. A presentá e sospechoso dilanti un Fiscal auxiliar kende a ordená su encarcelamento pendiente di mas investigacion.





Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23



**Clyde Orlando James**

\*22-01-1962 - †06-10-2017

Acto di entierio lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Conforme cu boluntad di Dios,  
nos ta anuncia fayecimento di :



**Crisostomo M. Sajul**

\*27-01-1949 - †07-10-2017

Left to mourn are his:

Wife: Maria Lourdes Sajul  
Daughters: Chie Croes  
Kriza Allanigue  
Kayeann Sajul  
Grand Children: Frizia Croes, Nicolo Sajul,  
Eduard Croes, Zael Allanigue,  
Thomas Croes  
Son inlaws: Troy Croes  
Elmer Allanigue  
Fabian Rojas  
Anatalia Mayores Sajul  
Mother:  
Siblings:  
From Eldest to youngest  
Josephine S Concepcion  
Belen s.Garillo  
Lucila S.Nicasio  
Paquito Sajul  
Soccoro s Reuyan  
Victor Sajul  
Lina s Hankins  
Gracia s.Espinosa  
Aida S.Salazar  
Miguel Sajul

Funeral will take place on Saturday october 14  
from 2 to 4 pm at the Papa Juan Pablo II church in  
Tanki Leendert, then leaving to the catholic  
cemetary in Noord.

Opportunity for condolences: Wednesday October  
11 and Friday October 13 at Aurora Funeral Home  
from 8 to 10 pm.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Mi no a muri.  
Ta pesey mi no a bisa ayo.  
Mi a djis habri mi halanan  
y bula bay keiro.  
Boso a keda atras.  
No laga tristeza domina boso.  
Keda uni un cu otro pa mi alma,  
esey lo ta un alegria.  
Recorda mi cu hopi amor.

Cu inmenso dolor den nos curason nos ta participa  
fayecimento di nos mama, wela, bisawela, tatarawela,  
mama bieuw :



**Aura Fuentes Laclé**

Mihor conoci como "Lola"  
\*22-08-1936 - †11-10-2017

Na number di su:

Mama : † Fortunata Luidens  
Tata : † Placido Laclé  
Casa: † Miguel Angel Fuentes  
Yiunan : Nico y Imelda Fuentes y Famia  
Lidia Fuentes y famia  
Buchi y Margriet Fuentes y famia  
Greta y Arcangel Martes y famia  
Ruben y Zoraida Fuentes y famia  
Lucien Fuentes  
Nelson Fuentes y Sonia Maduro y famia  
Jolanda Fuentes y Juancho Kock y famia  
Enrique (Juw) Fuentes y famia  
Beatrix Y Reynaldo Gomez y famia  
Rumannan : † Efigenio y Sarita Laclé y famia  
† Ramon y † Aida Laclé y famia  
† Theodoor y † Maria Laclé y famia  
Antonilia y † Juan Lampe y famia  
† Valeriano Laclé  
† Mario Laclé  
Pedrito y † Vicenta Laclé y famia  
Gilberto y Rita Laclé  
Paulo Laclé y Dorothea Rip y famia  
Elias y Lucia Laclé y famia  
Delia Laclé y famia  
Cuña : † Dionisia Fuentes Tromp y famia

Nieto y nietanan: Naldo, Dhanny, Anouska Fuentes,  
Meruza Wever, Marisol y Romeo Fuentes, Giovanni y  
Anchére Martes, Angelo, Steve, Stephany Fuentes,  
Julissa, Nerissa, Nigel Fuentes, Jayson Banfield, Rigmar y  
Jomar Kock, Mark Fuentes, Joanne Gomez, Urvin Paesch.  
Bisanieta y bisanietanan y tataranieto, sobrino y  
sobrinanan, iha, swa y cuñanan, tanta y omonan, primo y  
primanan, amigo y amiganan, bisniña y conocirnan.  
Demas famia : Fuentes, Laclé, Luidens, Koolman, Dubero,  
Kock, Martes, de Cuba, Maduro, Kelly, Gomez, Tromp,  
Wever, Farro, Banfield, Loefstok, Yung, Bergrok, Paesch,  
Lampe, Erasmus, Regales, Winterdaal, Agustin, Chirino,  
Rip, Mejia, Marin, Palfit, Oduber, Ras, Rodriguez, Vrolijk,  
Croes, Pau Martinez

Ta invita pa acto di condolencia y entierio cu lo tuma  
lugar na Aurora Funeral Home diamars 17 di oktober  
2017 di 2'or pa 4'or di atardi. Despues lo sali pa Santana  
Central Sabana Basora.

Un gradicimento na Dr. Jones y Anuska Jeandor, Cas di  
Machi, Christina y tur empleadonan pa cuida y amor pa  
nos mama.

Nos disculpa si den nos momento di tristeza nos por a  
lubida un famia.  
Nos ta lamenta cu despues di entierio nos no ta ricibi  
bishita di condolencia na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Dios ta Amor...Y amor ta Dios,  
Maske mi no ta na e mundo aki, tur dia  
lo mi ta Banda di boso Curason, mi por  
stens di loke Señor ta haci."

Salomo 33

Cu Profundo tristesa pero conforme cu voluntad di  
Dios, nos ta anuncia cu a fayese cristianamente:



**Graciela Ridderstap**

Mihor conoci como "Chela of Dudu"  
\*18-03-1928 † 09-10-2017

Na Number di:

Yuinan:

Elvira Y Robert Maduro  
Elviro y Shirley Ridderstap  
Eddy y Maria Ridderstap  
Nelson y Germania Ridderstap  
Franklin y Leonilda Ridderstap

Nieto y Nietanan:

Aschwin y Glendeline, Edison y Debbie,  
Daniela, Sherwin ( Hulanda),  
Lydiamaria (Hulanda),  
Franchesca y Esteban, Delwin y Gislaine,  
Enrique y Josina, Edgar y Dayenne,  
Lisette y Karim, Eldrick y Gelene,  
Charmaine y Gerrick,  
Elviro Jr y Chrislaine, Chanella,  
Elgin y Tatiana, Charissa y Archel,  
Shermaine y Perry,  
Angelson (Hulanda) y Lisha

Bisanieta /a: Amylaine, Jondrick, J'drion, Ishaiëz,  
Ismaël, Aschline, Owen, Cody, Zane, Ian.

Cuñanan:

Francisca Ras y Famia,  
Rubi Ridderstap y Famia

Su iha:

Angela Croes

Su Nuera: Swianda Hengeveld

Mescos como jui: Jela Ridderstap

Amiga: Delia Kelly

Sobrinio y sobrinanan, primo y primanan,  
Bisiñanan.

Famia Ridderstap, Maduro, v/d Biezen, Geerman,  
Garcia Santos, Brito, Quandus.

Ta invita tur famia, bisniña y conocirnan pa asisti na  
e acto di entierio cu lo tuma lugar:  
Diabierna 13 di october 2017 di 2or pa 4or di  
atardi Aurora Funeral Home después pa Santana  
Sabana Basora.

Adres pa Condolencia: Diahuebs 12 di october  
2017 di 7.00pm -9.00pm na Aurora Funeral Home  
Nos ta lamenta cu después di entierio nos No por  
ricibi bishita di condolencia na cas. Nos kier a pidi  
nos disculpa si den nos tristesa nos por a lubida un  
of otro number di famia.





Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

Ki alegria, ora nan a bisa mi:  
"Ban cas di Señor!"  
I awor, ata mi aki para na bo porta Señor.  
Salmo 122

Cu inmenso tristesa nos ta participa fayecimento di:



### Augustina Veronica de l'Isle-Rafael

Mihor conoci como "Mama Tina" of "Tina"  
\*29-04-1923 †11-10-2017

Acto di entierro lo wordo anuncia despues

## Departamento di Asunto Economico, Comercio y Industria ta cambia number di telefon

ENTRANTE diaranzon 1 di novem-  
ber 2017 Directie Economische Zaken  
Handel en Industrie (DAECI) ta cam-  
bia di number di telefon.

E number actual, 582-1181, ta keda vi-  
gente te cu diamars 31 di october 2017.  
Pa diaranzon 1 di november 2017 esaki  
lo NO ta activo mas.

E unico number via cual lo por comu-  
nica cu DAECI entrante 1 di november  
2017 ta bay ta: 521-2400.

DEACI ta spera cu pueblo di Aruba y  
su clientela en particular tuma bon nota  
di e cambio menciona.



# Aruba's # 1 Online Newspaper

**Facebook**

<https://www.facebook.com/AWEMainta/>



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

Mi Dios, Mi Señor, Mi Salbador  
Cu Bo amor infinito tenemi den Bo braza  
Ya no tin scuridad  
Unicamente Bo Luz brijando

Cu inmenso tristesa nos ta participa fayecimento di:



### Angel Leonardo Rodrigo "Roro"

Pensionado di MCB, WIB, CMB  
\*06 Januari 1934 Curaçao  
† 10 Oktober 2017 Aruba

Na number di su :

Esposa : Lydia Beatrix Rodrigo –de Medeiros

Yiunan : Ana Rodrigo

Noreen Rodrigo

Angel " Junior" Rodrigo

Marco Antonio y Rebeca Rodrigo-Maduro

Nietonan : Elijah Rodrigo

Zoe Arendsz

Meghan Arendsz

Bon amigonan : Charbil Felix y famia

Leonard Illidge y famia

Demas famia : Rodrigo, de Medeiros, Hart, Booi,  
Pijpers, de Marchena, Maduro, de Mey, Cordeiro.  
Acto di despedida y condolencia lo tuma lugar na  
Aurora Funeral Home diasabra 14 di oktober 2017 di  
9'or pa 11'or di mainta. Cremacion lo tuma lugar den  
seno familiar.

Despues di entierro nos no ta ricibi bishita di  
condolencia na cas.

Si ta posibel enbes di krans por please haci un  
donacion na Koningin Wilhelmina Kanker Fonds.  
Nos disculpa si den nos tristesa nos por a lubida  
menciona un of otro famia.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

""Ki alegria, ora nan a bisa mi:  
"Ban cas di Señor!"

Salmo 122

Cu inmenso tristesa pero agradecido  
pa tur loqual ela significa pa nos,  
ta anuncia fallecimiento Cristianamente di:



### Reynaldo Leon

Mihor conoci como Nadi  
\*17-02-1936 - †11-10-2017

Na number di su

Estimada esposa: Rosalba Leon-Lopez Arboleda

Rumanan: Ana Maria Feliciano

Cuñ: Julia Thiel-Kelly

Omo: Chan Leon

Sobrino(a)nan, sobre sobrino(a)nan, primo y  
primanan, swa y cuñanan na Colombia y demas  
famia y conocirnan na Colombia. Bisiñanan, comer  
y compernan, conocirnan, amigo y amiganan,  
ex-coleganan di WEB y Rhodana Security.

Demas famia: Leon, Lopez, Alboleda, Thiel, Kelly,  
Feliciano, Croes, de Mey, Rivero, Maduro, Werle-  
man, Rasmijn, Geerman.

Ta invita pa acto di condolencia y cremashon  
dialuna 16 oktober 2017 na Aurora Funeral Home  
for di 2'or pa 4'or di atardi. Cremashon ta tuma  
lugar den seno familiar.

Ta lamenta cu despues di cremashon no tin bishita  
di condolencia na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

For di profundo di nos curason nos kier a gradici  
tur hende cu den un manera of otro a haci nos  
tata, feliz na bida.



### Charles Hendrik Maduro "Chaly of Capon"

Danki na tur su amistad y conocirnan cu di un  
manera of otro a duna nos como famia e sosten  
emocional durante e momentonan difcil.  
Danki na tur e yamandanan, mensahenan, e  
comentarionan, flornan, kransnan, boso presencia  
y abrazonan di sosten cu nos a ricibi.

Nos kier a duna un danki special na personaal di  
ambulance, eerste hulp, Andre Kolman, Dr.  
Hoogendam y ful afdeeling di ICU. Tambe na tur e  
personaal di Royal Funeral Home pa e bon servicio  
brinda durante nos momentonan difcil.

Alaves nos kier a extende un invitacion personaal  
na tur amistad y conocirnan pa un santa sacrificio  
di misa cu lo tuma lugar :

Diasabra 14 di oktober 2017 pa 7or di anochi na  
misa Santa Filomena na Paradera.

Di parti ful e famia di "Tata, Chaly of Capon", masha  
danki.





Bonaire ta di fiesta

# A inaugura e di 50 Regatta di Boneiro



**KRALENDIJK** - E aña aki atrobe, Boneiro ta di fiesta. E biaha aki mas grandi ainda, pasobra e aña aki, Boneiro tin su di 50 Regatta, cu participacion di varios pais den region, incluso di Aruba. Tabatin manera un mini-Carnaval den cayanan di Kralendijk, cu a ser aprecia p'e pueblo Boneriano. Pa despues tabatin e apertura cu e.o. actuacion di Rincon Boys, directamente for di Aruba, Agrupacion ECO, DJ Veloce y KASSAV. E competencia di regata ta sigui henter e fin di siman aki.



# Farandula Ta Papia

## Sera conoci cu Frontline di Aruba su banda nobo 1OAK



**RECIENTEMENTE** a keda conoci publicamente cu Aruba tin un banda musical nobo.

E agrupacion 1OAK lo ta uno cu lo toca ritmonan manera kizomba, salsa, merengue, ritmo combina, bachata, reggaeton y urban music.

Den e dianan nos dilanti lo tin un fiesta organisa pa asina e lanzamiento oficial di e banda 1OAK tuma lugar.

E conocido cantante Jurick Salomon a duna di conoce cu despues di a tuma e decision di bandona e agrupacion musical D'Licious, el a ricibi masha hopi reaccion for di su fanaticada cu a pidi'e pa no bandona e mundo musical.

Den palabra di e propio Jurick: "Den un combersacion cu colega artista Jurainy Luckert, cu porsier to ta un compañero di banda durante mi temporada na Hulanda, nos a cuminsa tira ideanan

den halto y poco poco a cuminsa yega na algo concreto pa cuminsa traha algo chikito entre nos dos.

Un yamada a bira mas, acercamiento di amigonan interesa pa tambe forma parti di e idea/ proyecto aki, y sin por a premira esaki, den 2 dia nos a forma un banda di profesionalnan dispuesto pa deleita e pueblo aki cu musica y animacion yena di energia y positivismo.

Mi curason a yena di emocion di mira cuanto talento hoben y musiconan di caliber nos ilsa ta sigui produci, cu e gana di demostra cu ta nan tempo ta awo y cu nan ta cla pa presenta."

E banda nobo 1OAK "One of a Kind" cu un concepto full diferente pa Aruba, ta conta cu cantantenan hoben cu hopi gana di traha den e proyecto, y di cual sigur ta priminti hopi pa destaca aki na Aruba. Simplemente... One Of A Kind!

Manera e nomber mes ta bisa; unico den su estilo!



# DURO a renoba “Macho Crioyo” den gran forma



**DESPUES** cu casi 20 aña pasa e cancion “Macho Crioyo”, interpreta pa Super Orquesta Quasi, tabata un gran exito, DURO a dicidi di hink’e den un bachi nobo y lansa un videoclip cun’e.

E lansamento di e videoclip a tuma luga na Urataka Center, unda cu e banda a presenta e cantica y videoclip na tur presente.

Balchi y Bashaka a hunga e rolnan di e ‘Macho Crioyo’ y ‘Inocencio’. E ta algo cu tur hende lo disfruta di dje sigur. Pabien DURO cu e tremendo production!

Pa mas potret bay riba [clickonaruba.com](http://clickonaruba.com).





## Actor mexicano Eduardo Yáñez a agredi reportero durante un “Red Carpet” na Los Angeles



E actor mexicano Eduardo Yáñez a agredi un reportero durante su paso riba e tapijt cora di un evento na Los Ángeles, California. Tabata diamars anochi cu Yáñez a golpia e reportero Paco Fuentes di e programa “El Gordo y la Flaca”, di e canal Univisión, kende a puntr’e riba un incidente protagonisa pa su yiu homber Eduardo Yáñez Garcia, cu ta biba na Merca.

E actor a rabia ora cu e reportero a pidi’e si e por a splica e motibo cu su yiu homber a traha un “GoFundMe” account pa por drecha su auto cu el a kibra den un accident, na lugar di pidi esaki for di dje mes como su tata.

Aki ta unda e actor a drenta den un rabia instantaneo y el a contesta:

“Si bo ta asina preocupa pa mi yiu, abo dun’e e placa of bay bis’e abo mes”, tabata su palabranan net prome cu el a pasa e reportero un wanta na su cara.

Di su banda e reportero agredi, Paco Fuentes, a splica diaranson cu el a bay hospital pa hasi un check up despues di e sucedido y despues el a lanta un keho contra e actor, pero e no a bisa si e lo lanta un caso penal contra e Yáñez.

Eduardo Yáñez a yega di haya un keho similar na 2009 dor di su ex casa, Francesca Cruz, kende a acus’e di violencia domestico.

Ironicamente, Yáñez a papia riba e relacion cu mester existi entre prensa y artistanan, algun instante prome cu e sucedido lamentable. El a comenta cu media a expandi na comentar rib’e bida personal di artistanan, “nos tin cu adapta nos mes na esey y sa na ki manera mester contesta y sa kiko ta loke nos kier bisa y kiko no”.

## Ban apoya nos talento local Ritmo Real pa yega na su sueño y pone Aruba su nomber den halto internacionalmente



E cantante local Ritmo Real, responsabel di diferente exito musical, tin mester di bo apoyo pa por logra su sueño bira realidad.

Ritmo Real ta para dilanti porta di algo grandi, unda cu el a haya e oportunidad di un deal cu Universal Records pa medio di e record label independiente “Pretty Boy Worldwide”.

Ritmo Real tambe tin plan di bay haci un tour na e.o London y Hapon.

Ritmo Real mester e ayudo di nos comunidad dor di cumpra su rifa pa aporta na su meta.

E cantante a expresa: “E aña aki oportunidadnan grandi a bati na mi porta varios biaha y di diferente compania internacional pa por hiba mi musica riba un nivel mas halto y cu nos tur, como artista, ta desea di ta.

Mirando cu mi mester bay biba afo pa un tempo, mi mester ayudo di mi pueblo, di mi hendenan, pa hasi e sueño aki bira realidad, y bay representa mi pais natal na lugarnan manera: London, Alemania, Asia, Francia, Hapon y Merca.

Pa por logra yega mi meta, mi ta bendiendo un rifa, cu no solamente ta yuda ami, pero e ta yuda e muchanan di Imelda Hof tambe, como cu 20% di tur ticket cu mi bende lo bay pa nan. Mi tin 500 ticket disponibel ainda. Cuanto ticket abo of bo compania lo cumpra?

Mi ta challenge tur compania, politico y hende den nos comunidad pa yudami hasi e sueño aki bira realidad.”

Pa cumpra ticket por tuma contacto cu Ritmo Real mes na 7481515, of por contact e via su Facebook Page facebook.com/ritmorealofficial



# Noticia Internacional

## Merca y Israel ta anuncia nan salida for di UNESCO



**MERCA** y Israel a anuncia diahuebs nan retiro for di e organisacion di nacionnan uni pa Educacion, Ciencia y Cultura (UNESCO na ingles), acusando nan di ta anti Israel, locual a provoca critica den e institucion.

Despues di varios año di tension cu UNESCO, cu tin su sede na Paris y actualmente ta den proceso di elegi un Director General nobo, e vocero di e pais Mericano, Heather Nauert, a anuncia cu Washington tin previsto di laga e organisacion.

“E decision no a wordo tuma den pura, y ta refleha e preocupacion di Merca pa cu e atrasonan creciente den e pagonan (di contribucion) na UNESCO, e necesidad di un reforma fundamental den e organisacion, y e orientacion continuo contra Israel”, Nauert a bisa.

E salida di Merca lo ta efectivo for di dia 31 de december 2018, segun e normanan constitutivo di UNESCO.

Poco despues di e anuncio di Washington, Israel a indica di su banda cu nan tambe lo bandona e institucion, y a describi’e como “comedia di algo absurdo unda ta deforma e historia na luga di preserv’e”.

“Nos a drenta un era nobo den Nacionnan Uni: e era den cua, ora cu discrimina Israel, mester asumi e consecuencianan”, ta loke a señala e embahador di Israel pa ONU, Danny Danon.

Merca ya lo a adverti, na cuminsamento di juli, cu nan lo revisa nan relacionnan cu UNESCO, despues di a califica como “maltrato na historia” nan decision di declara e casco antiguo di Hebron, na Cisjordania, como “zona protegi” di patrimonio mundial.

E embahador mericano na ONU, Nikki Haley, a afirma cu e tempo ey e iniciativa “a desacredita mas ainda un agencia di ONU cu ya tabata altamente discutibel”.

Merca a yega di bandona UNESCO caba entre 1984 y 2003, despues cu e tempo ey e Presidente Mericano Ronald Reagan a acusa e organisacion di a realiza un mal gestion financiero y di mantene un orientacion anti-mericano den algun di su politicanan.

E pais a bolbe integra n’e organisacion na october 2003, tempo cu George W. Bush tabata Presidente, pero na 2011 a suspende nan participacion financiero dor di e admision di Palestina como Estado miembro.

E Director general di UNESCO, Irina Bokova, a afirma diahuebs di ta “lamenta profundamente” e decision di Merca di retira for di e organisacion. “Mi ta lamenta profundamente e decision di Merca di retira for di UNESCO, di cual mi a ricibi un notificacion oficial mediante un carta di e secretario di Estado mericano Rex Tillerson”, ta loke Bokova a bisa den un comunicado.

“Universalidad ta esencial p’e mision di UNESCO, pa construi pas y seguridad internacional dilanti odio y violencia, cu e defensa di Derechonan Humano y di dignidad humano”, a agrega Bokova.

“E ta un perdida p’e famia di Nacionnan Uni. E ta un perdida p’e multilateralismo”, a comenta esun responsabel di e institucion.

Den su comunicado, Bokova a menciona un serie di medida tuma pa UNESCO den colaboracion cu Merca pa combati antisemitismo.

“Hunto, nos tabata por a traha cu difunto Samuel Pisar, Embahador Honorario y enviado especial pa enseñanza di e Holocausto, cu e finalidad di comparti e historia di e Holocausto pa lucha contra antisemitismo y evita genocidio, cu e Catedra UNESCO pa Educacion den Genocidio na Universidad di Zuid California y cu e consagrado di alfabetisacion di Universidad di Pensilvania”, a señala e directiva.

A uni n’e comentarionan aki paisnan manera Francia, caminda e cede actual di UNESCO ta ubica, y e Secretario General di ONU, Antonio Guterres, cu a enfatisa “e rol destaca di Merca na UNESCO for di su fundacion”, na 1946.

E anuncionan di Merca y Israel ta interveni den un momento decisivo di e eleccion di e sucesor di Irina Bokova, mey mey di tensionnan politico importante. E 58 paisnan miembro di e conseho ehecutivo lo designa diahuebs awor, dos finalista, of te hasta e proximo dirigente di e organisacion.





# AWEMainta

#1 Online

## Completamente DIGITAL

### Ricibi AWEMainta tur dia den bo inbox

Manda bo E-mail na [noticia@awemainta.com](mailto:noticia@awemainta.com)

### Haya noticia y edicionan di AWEMainta riba nos website

[www.awemainta.com](http://www.awemainta.com)

### Like nos riba Facebook

[www.facebook.com/awemainta](http://www.facebook.com/awemainta)